



**БИЗ АСЛИДА
ЎЗИМИЗНИ
АЛДАЯПМИЗ**

Бондлик | 2 с



**ҚУРИШ ВА ЯШАШ МАДАНИЯТИМИЗ
ЎЗГАРИШИ КЕРАК**

Ташриф | 2 с

**ҚОНУН ТАЛАБГА
ЖАВОБ
БЕРМАЙДИ**



Муносабат | 7 с

INSON O'ZGARSA - JAMIYAT O'ZGARADI



MILLIY TIKLANISH

ЎТИМОИЙ-СИЙОСИЙ GAZETA

№ 38 (1088) 2020 йил 14 октябрь, чоршанба

1995 йил 10 июндан чиқса бошлаган www.mt.uz / mtiklanish@mail.ru / mtiklanish@bk.ru



Четда турганлар четга чиқарилади

Энди депутатлар фаолиятига ёшлар ва аёлларнинг розилигига қараб баҳо берилади.

Президентимиз Шавкат Мирзиёев раислигида жамиятда аёллар ва ёшлар ролини ошириш ҳамда улар бандлигини таъминлаш чора-тадбирлари муҳокамасига бағишланган видеоселектор йиғилишида муҳокама этилган масалалар барча бугундаги депутатларга сайлов арафасидаги ваъдаларини яна бир бор эслатди, дейиш мумкин.

Ўзбекистон «Миллий тикланиш» демократик партияси Марказий кенгашида ўтказилган онлайн анжуманда эса ёшлар ва аёллар муммоларини ҳал этиш кечиктириб бўлмайдиган масала экани, белгиланган вазифалар ижросини таъминлашда депутатлар зиммасига ниҳоятда катта масъулият юклатилаётгани қайта-қайта таъкидланди.

Қайд этиш жоизки, ҳаётимиздаги қар қандай муаммо ва камчиликлар ечимини энг аввало хотин-қизлар ва ёшлар учун енгилликлар яратади. Аммо бу борадаги ишлар талаб даражасида ҳал этилмаётгани учун ҳам Давлатимиз раҳбари томонидан хотин-қизлар ва ёшлар масалалари бўйича бутунлай янги тизими яратилаётгани таъкидланди.

Давоми 4-бетда

Фракция таклифи қабул қилинадими?



Кеча парламент қўйи палатасидаги фракциямиз йиғилишида «Ер ости бойликлари тўғрисида»ги Ўзбекистон Республикаси Қонунининг 38'-моддасига ўзгартиш киритиш ҳақида»ги қонун лойиҳаси яна муҳокама қилинди. Ўқувчиларга тушунарли бўлиши учун шуни айтиш жоизки, ўзгартиш киритилаётган модда қимматбаҳо металлларни олтин изловчилар усулида қазиб олувчилар учун кимшоши савдосига қўйиладиган ер майдонини 5 гектаргача оширишни назарда тутди. Маълумки, аслида қимматбаҳо металлларни олтин изловчилар усулида қазиб олишга рухсат беришдан кўзланган мақсад маҳаллий аҳолини иш билан таъминлаш эди. Аммо бугун ушбу фаолият билан шуғулланаётганларнинг 80 фоизини чет элликлар ташкил этаётир. Бунинг устига улар асосан ўз фуқаролари меҳнатидан фойдаланмоқдалар.

Давоми 2-бетда

Халқ таълими вазири Шерзод Шерматов АҚШнинг USAID ва Россиянинг Маориф вазирлиги билан келишувлар имзолади. 28 сентябрда имзоланган ушбу келишув USAIDни Ўзбекистонда таълим сифатини ошириш, ўқувчиларнинг билим ва кўникмаларини холис баҳолаш тизимини шакллантириш, бошланғич синфларда математика тадқиқотлари ўтказиш ва инглиз тили ўқитувчиларининг малакасини оширишга 50 миллион доллар миқдорида маблағ ажратилишини кўзда тутди.

3 с

БИРОЗ СИЁСИЙЛАШИНГ,

ЖАНОБ ВАЗИР,

СИЗГА МИЛЛАТИМИЗ ТАҚДИРИ ИШОНИБ ТОПШИРИЛГАН!



Музейнинг электрон маълумотлар базаси яратилди

«Авесто» – юртимиз тарихи ва маданиятига оид ноёб асар ҳисобланади. Ўз навбатида, бу асар жаҳон аҳамиятидаги дурдоналардан. ЮНЕСКО томонидан «Авесто» китоби ёзилганлигининг 2700 йиллиги кенг нишонлангани бунинг исботидир. Урганч шаҳрида 20 гектарлик боғ мажмуа бунёд этилиб, ноёб асарга ёдгорлик монументи ўрнатилган. Қолаверса, 2001 йилда «Авесто» боғ мажмуасида «Авесто» музейи ҳам ташкил қилинди.

Ноёб экспонатлар орасида эрамиздан аввалги оссурийлар, Хоразм ёзувидан намуналар, Алишер Навоийнинг «Хамса» асари дostonлари қўлёзмаси, 2-3 минг йиллик археологик топилмалар, безаклар, тангалар, расм, портрет ва бошқа қимматли ҳужжатлар мавжуд. Аммо уларнинг айримлари атроф-муҳитнинг таъсири ва сақланаётган жойнинг номуносивлигидан емирилиб, йўқолиб кетмоқда. Баъзан ушбу экспонатларни номаълум шахслар томонидан ўғирлаш ҳолатлари ҳам содир бўлмоқда.

Хоразмлик ўлкашунос Комилжон Нуржанов бу муаммони ҳал қилиш учун Олий Мажлис Сенати аъзоси Гавҳар Дурдиевага мурожаат қилган. Сенатор ташаббуси билан эса айнан шу муаммони ечиш учун махсус грант лойиҳаси тайёрланди. Олий Мажлис ҳузуридаги жамоат фонди томонидан Давлат гранти 4-танловида қатнашиш учун - «Урганч шаҳридаги «Авесто» музейининг экспонатлари бўйича инновацион электрон маълумотлар базасини тайёрлаш» мавзусидаги грант лойиҳаси тақдим этилди.

Давоми 2-бетда



**ДАСТУР
ТАЛАБИ ВА
ФАРЗАНДЛИК
БУРЧИ БИЛАН...**

**АЙТСАМ ТИЛИМ, АЙТМАСАМ
ДИЛИМ КУЯР...**

**ХЎЖАБОД ВА АНДИЖОН
ТУМАНЛАРИДА ЧИҚИНДИ ТЎПЛАШ
МАСАЛАСИДА «КОНКУРС» ЭЪЛОН
ҚИЛИНГАНМИ?**



**БИЗНИ JAҲОЛАТ –
JAҲЛИ МУРАККАБ**



Пандемия туфайли яқин юз йилликлар ичида башарият кўрмаган огир кунларни бошдан кечирдик. Бу эса, замондошим, Сиз билан бизнинг чекимизга тушди.

**«МЕН ВИРУСДАН
КУЧ ОЛДИМ»**

6 с

Мавлуда
(Тошпулатова)
қизимга

ОЧИҚ ХАТ

6 с



Ўзбекистон Республикаси Бандлик ва меҳнат муносабатлари вазирлигининг маълум қилишича, 2019 йили Ўзбекистонда 1.9 млн. (9.1%) фуқаро ишсиз деб топилган. Уларнинг 20 фоизи 16 ёшдан 30 ёшгача бўлганлардир. Бу кўрсаткич 2020 йилининг олти ойида 9.1 фоиздан 13 фоизга ошган.

Шавкат МИРЗИЁЕВ:

«ҚУРИШ ВА ЯШАШ МАДАНИЯТИМИЗ ЎЗГАРИШИ КЕРАК»

Давлатнинг давлатлиги, халқнинг халқлиги қийин пайтларда билинади. Афсуски, 2020 йил жуда оғир келди. Коронавирус балоси, у келтирган ижтимоий-иқтисодий инқироз етмаганидек, бир ҳафта ичида Бухоро ва Сирдарё вилоятларида табиий-техноген офатлар рўй берди.

Президент Шавкат Мирзиёев иккала жойга ҳам зудлик билан етиб бориб, вазиятни ўз нозорати оғлан эди. «Сабр қилиб, оғирликни елкамизга олиб, чидашимиз керак. Биронта хонадон, биронта одам эътиборсиз қолмайди», деган эди Президент ўшанда.

Шундай ҳам бўлди. Аввало, энг катта оғирликни давлатимиз раҳбари ўз елкасига олди. Талафот оқибатларини бартараф этиб, ҳаётни тиклаш ишларига бош-қош бўлди. Бу эса жабрдийдаларга кучли далда, мадад бўлди. Бутун халқимиз бирлашди. Кимдир маблағи, кимдир меҳнати билан ёрдамга келди.


Сардоба сув омбори тўғонининг ёрилиши оқибатида 2 минг 211 та хонадон яроқсиз ва 2 минг 499 таси таъмирталаб ҳолатга келиб қолган эди. Давлатимиз раҳбари ўшанда бу аҳволни кўриб, вайрон бўлган маҳаллаларни нафақат олдинги ҳолатига қайтариш, балки ундан-да яхши қилиш, ҳаммининг ҳаваси келадиган масканга айлантиришга ваъда берган эди.

Шу мақсадда учта худуд

танланиб, 50 гектар майдонда 86 та 5 қаватли уй-жой барпо этилди. Хусусан, Сардоба тумани «Дўстлик» маҳалласида 37 та, Мирзаобод тумани «Ҳақиқат» маҳалласида 40 та ҳамда Оқолтин тумани «Навбахор» маҳалласида 9 та уй-жой қурилди. Уларда жами 2 минг 640 хонадон бор.

Ўзбекистон Республикаси Президенти Шавкат Мирзиёев ушбу бунёдкорлик ишлари билан танишимиз мақсадида 13 октябрь кун яна Сирдарё вилоятига келди. Давлатимиз раҳбари дастлаб Мирзаобод туманидаги «Ҳақиқат» маҳалласига ташриф буюрди.

— Сув тошқини жуда катта талафот бўлди. Ҳам фожиа оқибатларини бартараф этиш, ҳам қисқа муддатда одамларни рози қилишимиз керак эди. Бунга унча-мунча давлатнинг дош бериши ўзи бўлмайди. Ҳар бир одам билан гаплашдик. Вазирликлар, ҳудудларни жалб қилиб, тезкор иш ташкил этилди. Сувуқ кунларга қолдирмасдан, оилаларни уй билан таъминлашга эришдик. Энг катта масала - одамларнинг кўнглидаги гашлик кет-



ди, улар рози бўлди, — деди Шавкат Мирзиёев.

Илгари бу жойлардаги кўп уйларда табиий газ йўқ эди. Энди газ, сув, электр энергияси ва бошқа коммуникациялар билан таъминланган. Яна бир муҳим томони — янги уй эгаларининг аввалги ҳовиллари ҳам ўзларида қолди.

Давлатимиз раҳбари ўша қийин кунларда бутун халқимиз жипслашиб ҳаракат қилганига катта эътибор қаратди.

— Бутун мамлакатимиздан мутахассислар келди. Бу ерда

Қорақалпоғистон ва ҳар бир вилоятнинг ўз кўчаси бор. Қудратимиз борлигига, бирлашсак, меҳрли бўлсак, кўп ишларни амалга оширишимизга ҳамма инонди, — дея таъкидлади Шавкат Мирзиёев.

Кўп қаватли уйлар шинам, ҳовиллари обод. Бу маҳалла «Янги Ўзбекистон» деб номланган.

— «Янги Ўзбекистон» дейилганида ҳам маъно бор. Агар халқимизга маълум бўлса, бундай уйларни бошқа ҳудудларда, аҳоли зич шаҳарларда ҳам

қурамиз. Ҳар бир мавзе ёнида иш ўринлари ҳам ташкил этилди. Умуман олганда, қуриш ва яшаш маданиятимиз ўзгариши керак, — деди Президент.

Янги мавзеда маҳалла гузар, дўкон, кутубхона, болалар майдончалари барпо этилган. Уйларга хизмат кўрсатувчи сервис компанияси ташкил қилинган.

Турар жойларни эксплуатация қилиш тизимини самарали йўлга қўйиш бўйича кўрсатмалар берилди.

ЎЗА

Партия дастури амалда



Фракция таклифи қабул қилинадими?

— Ушбу қонун лойиҳасида бу имкониятдан фойдаланмоқчи бўлган юридик ва жисмоний шахсларга қонлар жойлашган ҳудудлардаги аҳолини ишга жалб этиш мажбурияти юклатилиши лозим, — дейди Олий Мажлис Қонунчилик палатаси спикери ўринбосари, фракция раҳбари Алишер Қодиров. — Бу норма биринчи навбатда ўзларининг «маблағи» ишчиларини олиб келишга ҳаракат қилаётган хориж компанияларига тегишлидир. Очигини айтиш керак, айни пайтда бундай қонлар ана шу ҳудуддаги аҳолининг кун кўриш манбаига айлиниб бўлган.

Билдирилган таклиф моҳиятини қонун ташаббускорлари ҳам тўла тушуниб, ушбу таклифини бугунги ялпи йиғилишга қонун лойиҳасида акс эттиришга ваъда бердилар.

Йиғилишда яна бир муҳим қонун лойиҳаси кўриб чиқилди. Маълумки, хорижда жиноятларни фож қилишда геном ахборотларидан кенг фойдаланилади. Чунки геном ахборотлари ёрдамида фож этилиши ўта қийин бўлган ёки муқаддам очилмаган жиноятларни очиш, шунингдек, бедарак йўқолган шахсларни топиш имкониятлари кенгайди. Маълумки, «Тилсиз гувоҳ» ҳисобланган геном ахбороти инсон ДНКси ва шахси аниқланмаган жасад қолдиқларининг қодланган

ахборотларини ўз ичига олган шахсий маълумотлардан иборатдир.

Мамлакатимизда эса бундай ахборотни олиш, тўплаш, ундан фойдаланиш механизми ҳали яратилмаган. Шу боис ҳам «Геном бўйича давлат рўйхати»га Ўзбекистон Республикасининг қонуни лойиҳаси тайёрланди ва Олий Мажлисида иккинчи ўқишда кўриб чиқилмоқда. Жумладан, Ўзбекистон «Миллий тикланиш» демократик партияси фракциясининг видеоконференцалоқа йиғилишида ушбу қонун лойиҳаси ҳам атрофлича муҳокама қилинди.

Ҳеч кимга сир эмас, шиддаткор замон билан бирга жиноятчилик ҳам ривожланипти, қонунбузарлар мураккаб ҳийла-найранглар билан из қолдирмасликка ҳаракат қилмоқдалар. Бу эса уларни фож этиш жараёнини қийинлаштирипти, албатта. Қонун лойиҳаси билан эса геном бўйича давлат рўйхати олиш доирасидаги ваколатли органларнинг ҳуқуқ ва мажбуриятлари, геном ахборотини йиғиш, ишлов бериш ва ҳимоя қилишнинг асосий талаблари, шунингдек, геном бўйича давлат рўйхати олиш тартиби, биологик материал ва геном ахборотини олиш, қайд этиш, сақлаш, ундан фойдаланиш ҳамда уни йўқ қилиш тартиблари

белгиланмоқда.

Депутатлар мазкур қонун жиноятларни биологик ашёвий далиллар ёрдамида фож этишга ёрдам беришини, суд-тергов органларининг исботлов базасини мустаҳкамлашдаги аҳамиятини эътиборга олиб, уни иккинчи ўқишда қабул қилдилар.

Шунингдек, йиғилишда «Ўзбекистон Республикасининг Солиқ кодексига қўшимча киритиш тўғрисида»ги Қонун лойиҳаси ҳам муҳокама этилди. Унга кўра, пандемия даврида аҳоли, иқтисодиёт тармоқлари ва тадбиркорлик субъектларини қўллаб-қувватлаш мақсадида Солиқ кодексининг 481-моддаси вақтинчалик солиқ имтиёзлари билан тўлдирмоқда. Яъни, 2020 йил 15 октябрдан 2021 йил 1 январга қадар мамлакатимизга олиб кирилмаган шаккар ва шаккар ҳомашеси, 2021 йил 1 июлга қадар эса картошка, ўсимлик ёғи, гўшт (мол, қўй, товуқ гўшти ва бошқалар), ҳайвонларни тирик ҳолда ва уларни сўйишдан олинган маҳсулотлардан қўшилган қиймат солиғи олинмайдиган бўляпти.

Йиғилишда бошқа қонун лойиҳалари муҳокама қилиниб, улар бўйича ҳам тегишли қарорлар қабул қилинди.

Равшан МАҲМУДОВ,
«Milliy tiklanish»нинг парламентдаги мухбири

(Бошланғичи 1-бетда)

Музейнинг электрон маълумотлар базаси яратилди

Ушбу лойиҳа бўйича халқаро «Олтин Мерос» жамғармаси Хоразм вилояти бўлими ва Олий Мажлис ҳузуридаги жамоат фонди ўртасида шартнома тузилди ва амалий ишлар бошланди.

Ҳозирда «Авесто» музейидаги атроф-муҳитнинг салбий таъсиридан ва сақланаётган жойнинг номутаносиблигидан емирилиб бораётган ноёб музей экспонатларини келгуси авлодларга ўз ҳолида етказиш мақсадида талаб даражасида таъмирланди. Қолаверса, 5 минг-

га яқин турли топилма, ҳужжат ва архив материаллари бўйича инновацион тизим, яъни электрон тарздаги Маълумотлар базаси яратилди.

Мухтасар қилиб айтганда, кўҳна Хоразм тамаддунига доир бўлган музейдаги кўҳна маданиятга доир инновацион, электрон шаклда тайёрланган маълумотлар базасидан нафақат юртдошларимиз, балки хорижий сайёҳлар ҳам фойдаланиши учун имконият яратилади.

М.РЎЗИБОЕВА, ЎЗА

Ўзбекистонда ишсизлик даражаси

БИЗ АСЛИДА ЎЗИМИЗНИ АЛДАЯПМИЗ

«Statista.com» сайти маълумотларига кўра, 2019 йили дунёда 187,7 млн. киши ишсиз сифатида расман рўйхатга олинган. Бу дунё аҳолисини 5 фоизи дега-нидир. Таҳлилчиларнинг фикрича, ҳар йили ишсизлар сони 3 млн.га ортиши мумкин.

Ўзбекистон Республикаси Бандлик ва меҳнат муносабатлари вазирлигининг маълум қилишича, 2019 йили Ўзбекистонда 1.9 млн. (9.1%) фуқаро ишсиз деб топилган. Уларнинг 20 фоизи 16 ёшдан 30 ёшгача бўлганлардир. Бу кўрсаткич 2020 йилнинг олти ойида 9.1 фоиздан 13 фоизга ошган.

Глобаллашув даврида юртимизда ҳам бўш иш ўринларининг виртуал порталини яратиш ва уни доимий тарзда янгилаб бориш жуда муҳим масаладир.

Соҳа мутахассисларининг фикрича, аксарият давлатларда аллақачон виртуал меҳнат бозорига ўтилган. Натижада ишга жойлашганда коррупциянинг олди олинишига эришилмоқда. Бунинг яна бир ижобий томони шундаки, иш берувчи энг муносиб номзодларни танлашда қўшимча имкониятларга эга бўлади.

Бандлик ва меҳнат муносабатлари вазирлиги сайтида эълон қилинган бўш иш ўринлари базасига эътибор қаратсак, 7 октябрь ҳолатига 34586 та вакант жой мавжудлиги, унга 6829 та резюме(маълумотнома) киритилганини кўрамиз. Агар ана шу сайтдаги статистика инobatга олинса, бўш иш ўринлари талабдан кўра 27757 та кўп

экани маълум бўлди. Аммо эълон қилинган бўш иш ўринлари бўйича кенгроқ маълумот олмақчи бўлсангиз, эълон қилинган телефон рақамларининг кўпи мавжуд эмаслиги ёки уларнинг бўш иш ўринлари ҳақидаги эълонга умуман алоқаси бўлмаган шахсларга тегишли экани аён бўлади. Тўғри, унда ҳақиқатан ҳам бўш иш ўринлари бўйича эълонларни учратасиз. Аммо барча соҳада шаффоқлик талаб этилаётган бир пайтда иш билан таъминлаш масаласида бундай «хато ва камчиликлар»нинг борлиги нимадан дарак берапти? Ишлар номигагина йўлга қўйилганини, виртуал портал яратишга тайёргарлик эса ўлда-жўлда эканини кўрсатади, холос. Бундай ҳолатда эса «таниш-билиш», «коррупция» деган салбий тушунча ва «ҳаракатлар»га барҳам беришимиз қийин бўлиб қолаверади. Шу ўринда ишга киришдаги муносабатларни электронлаштириш фақатгина Бандлик ва меҳнат муносабатлари вазирлигининг иштироки билан эмас, балки қуйидан то юқори идора ва ташкилотларнинг биргаликдаги қатъий ҳаракати эвазига амалга оширилиши ҳам таъкидлаш жоиз. Шундагина олдимизга қўйилган мақсадларга тезроқ эришамиз.

Самандар ИСМОИЛОВ,
Олий Мажлис Қонунчилик палатаси ҳузуридаги Ёшлар парламенти аъзоси

Ижтимоий лифт



Ўзбекистон Республикаси Президентининг Халқ қабулхонаси Со'х тумани бо'лими мудири, Халқ депутатлари Со'х тумани Кенгашига "Milliy tiklanish" demokratik partiyasidan saylangan deputat

Botirov Ma'murjon Shokiraliyevich

So'x tumani hokimining moliya-iqtisodiyot va kambag'allikni qisqartirish bo'yicha birinchi o'rinbosari lavozimiga tayinlandi.



Xalq deputatlari Rishton tuman Kengashidagi O'zbekiston "Milliy tiklanish" demokratik partiyasi deputatlik guruhi a'zosi

Polvonova Marhaboxon Rasuljonovna

Rishton tumani "Miskin" mahalla fuqarolar yig'ini raisi lavozimiga tayinlandi



Агар темир ишлатилмаса, занглайди. Агар сув ҳаракатланиб турмаса, айнийди. Агар киши фикрламаса, ақлда ҳам шундай ҳолат юз беради.
Леонардо Да Винчи

БИРОЗ СИЁСИЙЛАШИНГ, ЖАНОБ ВАЗИР,

СИЗГА МИЛЛАТИМИЗ ТАҚДИРИ ИШОНИБ ТОПШИРИЛГАН!

**СИЁСАТДАН ҲОЛИ
КЕЛИШУВЛАР
ҲАҚИДА
ВАЗИРНИНГ
ФИКРИ...**
Халқ таълими вазири Шерзод Шерматов АҚШнинг USAID ва Россиянинг Маориф вазирлиги билан келишувлар имзолади. 28 сентябрда имзоланган ушбу келишув USAIDни Ўзбекистонда таълим сифатини ошириш, ўқувчиларнинг билим ва кўникмаларини ҳолис баҳолаш тизимини шакллантириш, бошланғич синфларда математика тадқиқотлари ўтказиш ва инглиз тили ўқитувчиларининг малакасини оширишга 50 миллион доллар миқдорда маблағ ажратилишини кўзда тутди.

Икки ҳафта ўтмай, Россиянинг Маориф вазирлиги билан келишув имзоланди. Унга кўра, Россиянинг малакали рус тили ўқитувчилари ва методистлари Ўзбекистоннинг ўзбек тилида дарс ўтиладиган мактабларида (!) ишлайдиган 30 мингга яқин ўқитувчиларнинг малакасини ошириш билан шуғулланишади. Ушбу лойиҳага Алишер Усмонов 5 миллион доллар ажратаётгани таъкидланмоқда.

Мақсадлар, устуворликлар ва манбалар буйича хулосани ўзингиз қилиб олинг.

Сиёсатдан ҳоли вазиримиз ушбу келишув ҳақида қуйидаги фикрни ёзибди:

«Россиялик педагоглар Ўзбекистонга келиб ҳудудий малака ошириш марказларида рус тили ўқитувчиларимизнинг малака оширишлари ҳамда ўзбек тилида дарс ўтилаётган мактабларда рус тилини ўргатишни яхшилашга ёрдам берадилар. Бу эса ушбу мактаблардаги рус тили ўқитувчиларимиз учун ҳам жуда катта фойда бўлади».

Келишувнинг асл мақсади-мазмунини тушундик. Бу яхши, фақат кейинги фикрлардан ташвишлиниш керакдек...

«Тошкент шаҳри ва вилоят марказларида рус тилида дарс ўтиладиган мактабларга ота-оналар томонидан талаб жуда юқори (!). Кўпчилик ота-оналар уйда рус тилида сўзлашмасликлар сабабли (!) болалари ўқишда қийналса ҳам рус тилидаги мактабга беришга ҳаракат қиладилар. Бунга асосий сабаблардан бири, мен билмасам ҳам болам жуда бўлмаса рус тилини ўрганиб чиқсин, дейди. Аслида эса бундай ўқувчилар мактабда бошқа фанларни ўзи билмайдиган тилда ўзлаштиришга қийналадилар (!).

Ушбу лойиҳадан мақсад – ўзбек тилидаги мактаб би-

тирувчиси фанларни ўз она тилида яхшироқ ўргана олиши билан бирга (!), рус тилини ҳам биладиган бўлиб битириб чиқсин».

Қойил, мантиқни қаранг. Рус мактабига ота-она «орзу ҳавас» билан, «ҳеч бўлмаса рус тилини ўргансин» деб боласини биринчи синфдан беради, у бошқа тилда ўрганолмайдиган геометрия, алгебра, физика ва географиядан «саводсиз» бўлади, лекин «рус тилини ўрганиб чиқади».

«Мактаб ўқувчилари келажаги учун муҳим бўлган ушбу лойиҳани ижтимоий тармоқларда баъзи «аклли»лар дарров сиёсийлаштиришга ҳаракат қилишга боғлиқ бўлиб, аниқ айтиб қўймоқчимман: ушбу лойиҳа орқасида бирон бир сиёсий мақсад йўқ. Асосий мақсадимиз – битирувчиларимиз дунё бозорида рақобатбардош бўлишига эришиш».

Вазир ҳеч қандай сиёсий мақсадни кўрмапти, тушунарли. Бизнинг вазир содда ва юмшоқгина. Бу лойиҳада бошиданоқ иккинчи томоннинг сиёсий мақсадлари кўриниб турибди.

Миллат билан ғурурланиш қандай тарбия қилинади?

Алишер Усмоновни меҳмон қилиш учун ресторанга олиб боришганида, юқори даражада тайёрланган стол, стулларни кўриб: «... болалигимда оталаримиз сўриларда, хонтахта ва кўрпачаларга ёнбошлаб, ўчоқларда ўз қўллари билан палов дамлаб меҳмон кутишларини кўрганман. Шундай одатларимиз йўқолиб кетмаслиги керак» дея, хонтахтага жой қилдирган экан. Алишер Усмоновни соф наманганча шевада, равон гапиршидан ўзим ҳам хайратланганман.

Ўзбекилигидан фахрланадиган, ўзлигини йўқотмаган, нафақат рус, балки француз, немис ва турк тилларини мукамал биладиган ўзбек. У шунча йил бошқа давлат ва маданият ичиде яшаб ўзлигини сақлаб қолган буюк ўзбек. Бугун болаларимиз ота-онасининг кучоғида бошқа миллатга айланиб қолаётгани таълимга масъул Вазирни ташвишлантирмапти...

МЕН РУСОФОБ ЭМАСМАН...

Аввалдан айтиб қўймоқчиман, мен русофоб эмасман. Минтақада барча миллатлар ва давлатлар бир-бири билан дўстона муносабатда бўлишлари ҳаётий зарурат эканини, биз учун Россия билан дўстона ва ҳамкор муносабатларнинг ахамиятини жуда яхши тушунаман. Русларнинг маданияти, адабиёти ва тилини ҳурмат қиламан, уларни заъф билан ўрганаман. Л.Толстой, А.Чехов ва Ф.Достоевскийни маза қилиб ўқиганман, ҳозир ҳам ўқийман. Фарзандларимизни ҳам рус тили ва адабиётини яхши билишларини ютқ деб ҳисоблайман. Албатта, инглиз, немис, форс, араб

тиллари ва адабиётларидан устунроқ бўлса борки, кам бўлмаган ахамиятини таъкидлаган ҳолда...

ВАЗИРГА САВОЛЛАР...

Масалани сиёсийлаштирмастикка чақираётган вазиримиз тушуниши керак, тил ва таълим азалдан сиёсий масала бўлиб келган ва бундан кейин ҳам шундай бўлади. Ўзбек бўлиб ўзбекчани, қадриятларини англамайдиган ёшлар сезиларли ортиб бораётгани эса аслида таълимга масъул мансабдорга огоҳлик кўнғироғи бўлиши керак. Ўзбекистонда таълим ва тарбия тизими ўзбек халқининг тараққиёти учун хизмат қиладиган авлодни

авлод тарбияламоқчимизми ёки ўз тили, қадриятлари ва маданиятидан уяладиган ғарбпараст, руспараст авлодими? 12 ёшигача онгостиға бошқа маданият ва тилларга муҳаббат синдириб қўйилган болага ватанпарварлик ва миллий қадриятлар ҳақида соатлаб дарс ўтишдан ҳеч қандай фойда бўлмайди.

МУШКУЛ ИШ ҲАҚИДА ИККИ ОҒИЗ...

Руслар ва қўшниларимиз қозоқлар бекорга болаларни мактабларда белул оқратлантириш қарорига келишгани йўқ. ЮНИСЕФ тадқиқотларига кўра, ер юзидеги барча террористларнинг 79 фоизи Африка қитъасидан

масала эканлигига шубҳа қолмади. Қанчалар мушкул бўлмасин, мамлакатимиз келажаги учун ҳал этилиши керак бўлган ушбу муҳим масалада вазиримиз рус ҳамкасбининг олдида «биз учун бундай ишлар мушкул иш» деб, ожизлиги билан «мақтаниши» қабул қилиб бўлмас ҳолат.

ТАЪЛИМ ВА ТАРБИЯДА СТРАТЕГИЯМИЗ АНИҚ БЎЛСИН

Биз таълим ва тарбияда манфаатларимизни аниқ белгилаб олиш ва унга оғишмай амал қилишимиз керак. Бугун оила, боғча ва рус мактаблари билан бирга ўзбек мактабларида ҳам рус тилини ўргатиш оммавий тус олаётди, мақсадимиз фақат тил ўргатиши ўзи?!

Мен миллатчи эмасман, миллатимни яхши кўраман, холос. Бошқа миллатларга зараримиз тегмасдан, ҳамкорликда ривожланиш тарафдориман. Албатта, хорижий тилларни биладиган ёшлар миллатимиз ва давлатимизнинг ютуғи, лекин Достоевскийнинг таъбири билан айтганда «ўз халқига бегона инсондан ҳам бахтсизроқ ким бўлиши мумкин?». Достоевский бу фикрни француз тили ва маданиятини рус маданиятидан минг қарра устун эканини таъкидлаган, рус тилида гапирини ор деб билган рус зодагонига қарата айтганини яхши биласиз. Рус зодагонлари орасида ҳам ушбу вақтларда болалигиданоқ француз тилини ўргатиш ёзилмаган мажбурият саналган.

Тил ўргатамиз деб ёшларимизни бой бериб қўймаймизми? Менимча, 1-5 синфларда она тили, адабиёти, тарих ва тарбия фанларига мутлақо устунлик бериш, хорижий тилларни иккиламчи ўргатиш, 6-синфдан бошлаб эса хорижий тилларга устуворлик бериш тўғри йўл бўлади. Зеро, асосий мақсадимиз хорижий тилларни биладиган болаларни тарбиялаш эмас, давлатимиз ва миллатимизни ривожлантирадиган авлодни тарбиялаш бўлиши керак. Улар, албатта, бир нечта хорижий тилларни яхши биладиган бўлишади.

Шерзод Шерматовнинг АҚШда ўқигани унинг ўзбеклигига асло таъсир қилмаган, бунга шахсан гувоҳман, лекин вазирлик фалсияти таъсир қилмаётганига умид қиламан. Япониянинг «Сумитомо» компанияси мансабдорларидан бири: «... биз японларнинг энг катта хатоимиз хорижликларнинг кўнғили ва кайфиятига керагидан ортиқ эътибор бериб, манфаатларимизни бой берганимизда» деган гапи эсимга тушиб кетди.

Бироз сиёсийлашинг, жаноб вазир, жуда содда кўринаясиз, сизга миллатимизнинг тақдирини ишониб топширилганини унутманг!

@alisher_qodirov



Мамлакатимизда бошланган янги давр таълим соҳасига ҳам аниқ ва қатъи талаблар қўймоқда. Партия амалдаги таълим тизимида тарбиянинг ўрнини етарли эмас деб ҳисоблайди. «Оила – мактабгача таълим – мактаб» даврини ўз ичига олган, тарбияни устувор ҳисоблайдиган тарбия ва таълим тизими миллий ва умуминсоний қадриятларни эътироф этадиган, билимли, эркин фикрлайдиган, ҳалол ва масъулиятли инсонни шакллантиришни устувор вазифа сифатида кўриши керак. Тизимнинг натижадорлиги оила, мактабгача таълим ташкилотлари ва умумтаълим мактабларидати мавжуд муаммоларнинг тизимли бартараф этилишини тақозо қилади.

Ўзбекистон «Миллий тикланиш» демократик партиясининг сайловолди дастуридан



Мен ҳали ҳам фақир фақирлигидан уялмайдиган, балки бой бойлиги билан фахрланишдан уяладиган жамиятни орзу қиламан.

Жуброн Халия Жуброн

НИТОН ТИЛНИ, ТУМАННИ ТИЛЛАШ... ТУМАННИ ТИЛЛАШ... ТУМАННИ ТИЛЛАШ...

Тўй нима ўзи? Тўй қадрият ва урф-одатларимиз гултождир. Тўй – янги бир оиланинг пайдо бўлиши, ота-оналар қалбида узоқ йиллар ардоқлаб келинган орзу-ниятлар рўёби ҳамдир. Шунинг учун ҳам тўй билан боғлиқ ҳаракатларни «ширин ташвишлар» деб атаймиз.

Тўғри, бугун кечагидан, эртага эса бугунгидан яхшироқ яшашга интилиш инсонларга хос хусусият. Турмуш шароитимиз яхшиланиб, ҳаётимиз фаровонлашиб боргани сайин эса ҳою-хавасларимиз ҳам ортиб бораверади. Тўй эса ҳою-хавасларимизни атрофдагиларга «кўз-кўз»лаш учун энг қулай маросим саналади. Шу маънода тўй-ҳашамларимизнинг шакл-шамойилини ўзгартириб юбараётганимиз, тўйларимизда дабдабабозликка, исрофгарчиликка йўл қўяётганимиз, менталитетимизга мос келмайдиган ғарбона тўй маросимларини ўзлаштириб олаётганимиз аччиқ ҳақиқат...

Утган йили хизмат юзасидан юртимизга келган бир хорижлик меҳмон ўзбекона тўйларни кўриш, маросим ва урф-одатларимиз билан танишиш нияти борлигини айтиб қолди. У билан бир танишимиз фарзандининг никоҳ тўйида иштирок этдик. Очигини айтиш керак: келин-куёвнинг вальси, келиннинг дугоналарига гул отиши, тўйхонанинг тўрига ўрнатилган каттақон экранда намойиш этилган «Севги тарихи» – «Lavstory» каби маросимлар меҳмонни ажаблантирмади ҳам. Ҳайратлантиргани, дастурхоннинг ҳаддан зиёд тўкинлиги бўлди.

Маросимларимиз деярли бир хил экан. Биргина фарқи – сизларда меҳмонлар жуда кўп бўлар экан, бизнинг тўйларимизда иштирокчилар сони 15-20 нафардан ошмайди, – деди у.

Қани энди хорижлик меҳмонга: «Бу маросимлар аслида сиз-ғарбликларнинг урф-одатларингиз, биз эса уларни ўзлаштириб олганмиз», деб айта олсам...

Меҳмон қайд этган «биргина фарқ» мени ўйлантириб қўйди. Шу аснода бир савол туғилди: «Нима учун миллийлигимиз менталитет ва тарбиямизга зид бўлган ғарбона маросимларни тўйларимизга татбиқ қиляпмиз, уларни кам сонли меҳмонлар билан ўтказишдек ибратли жиҳатни ўзлаштирмаймиз?!

Замоннинг зайли, деймизми, вазият тақазоси биланми бугун тўй-ҳашамларимиз анча ихчамлашди. Энг яқин қариндошлар иштирокида 30 кишилик тўйлар ўтказиш тартиби йўлга қўйилляпти. Аксарият юрдошларимиз бундай тартибдан мамнун бўлишляпти ҳам. «Аваллари элу-юрт нима дейди, деган андишада қарз-ҳавола қилиб бўлса-да, «эл қатори» тўйлар қилардик. Элда удум, дея шароитимиз борми йўқми маросимларимизни дабдаба билан ўтказишга ҳаракат қилардик. Кейин эса йиллаб қарз узардик.

Уйланиб қоласан киши, элда удум, деймиз. Эл дегани ахир ўзимиз-ку, демак, удумларни ҳам ўзимиз кашф қиляпмиз. Шундай экан, аввалроқ шундай ихчам тўйлар қилсак, ўзимизни ҳам, яқинларимизни ҳам беҳуда уринтирмасак, исрофгарчиликка йўл қўймасак бўлмасмиди?! Бунинг учун бирор сабаб бўлишини, вазият тақазосини кутишимиз шартмиди?! Zero, Фақих Абу Лайс (рахматуллоҳи

алайх) айтадилар: Набий (с.а.в): «Никоҳнинг энг баракалиси таъминот жиҳатдан энгилдир».

Афсуски, беш қўл баробар бўлмаганидек, бугунги тўйларда иштирокчилар сони аниқ қилиб белгилаб қўйилган бўлса-да, меҳмонлари сонини ошириб юбараётганлар ҳам йўқ эмаслигига, бундай «меҳмоннавозлик» оқибаотида «COVID» билан касалланиш, ҳаттоки, ўлим билан боғлиқ ҳолатлар ортаётганига ҳам гувоҳ бўляпмиз.

Яқинда жамоат жойида кекса ёшли бир кишининг гаплари беихтиёр қулоғимга чалинди:

– Тўйларнинг ихчамлаштирилгани жуда яхши бўлди-да. Келиннинг тўрт ойлик боласи билан биздан хафа бўлиб отасиникига кетиб қолганига олти ойдан ошди. «Ортидан борсанг, сендек ўғилдан воз кечаман», деб ўғлимни хотиннинг ортидан юбормадим. «Бошқасини топ, 30 кишилик тўй қилиб, онаси ўлмаган қизни олиб бераман, – дедим...


Соч-соқолига қиров қўнган, умрининг донишмандлик фаслига кириб, фарзандлари, набираларига насихат қилар ёшдаги бу кишининг (отaxon дейишга тилим бормади) гаплари қалбимни ларзага солди. Динимизда, халқимизда мўқаддас саналадиган оилани бунёд эмас, барбод қилишдек кецирилмас гуноҳдан ҳам таб тортмайдиган бундай кимсалар афсуски орамизда йўқ эмас.

Яна бир воқеа. Яқинда ижтимоий тармоқларда бир тўйдаги ҳолатларга оид суратлар тарқалди. Маълум бўлишича, ярим яланғоч раққосалар, дугоналари даврасида жазавога тушиб ўйнаётган оппоқ либосли «келин» ҳамда дўстлари куршовида «хая, хая»лаб сакраётган «куёв»нинг тўрт нафар фарзанди бор экан. Улар ҳою-хавас, дея никоҳ тўйларини қайта ўтказишга тўнган экан. Бу қандай ҳою-хавас бўлдики, айна пайтдаги пандемия шароитини ҳам, аҳоли саломатлигини муҳофаза қилиш мақсадида жорий қилинган одамлар орасида ижтимоий масофа сақлашдек эҳтиёткорлик чораларини ҳам писанд қилмасан?! Яқинлари бахт-саодат тилаётган бундай «ёшлар»нинг тутган йўлини айна пайтдаги тартиб-қоидаларга беписандлик, қолаверса, халқимизга нисбатан ҳурматсизлик деб баҳолаш мумкин.

Қайсидир телеканал орқали намойиш этилган реклама ролиги эса ҳайратимизни бундан-да оширди. Рекламада бир кўрсатув тайёрланаётгани, унга ҳаётининг энг бахтли дамлари – никоҳ тўйи маросимини қайта ўтказиш истагидаги оилалар таклиф қилиниши маълум қилинапти...

Тўйда ҳам илдизлари мозийга туташ қадриятларимиз, дунё халқлари ибрат олса арзийдиган урф-одатларимиз, анъаналаримиз ўз аксини топсин. Тўй ва у билан боғлиқ маросимларни ихчам, ортиқча исрофгарчиликларсиз намунали тарзда ўтказайлик. Токи, ҳаётимизга манманлик, дабдабабозлик, сохта обрў орттириш йўлидаги ўринсиз ҳаракатлар, ортиқча ташвишлар соя солмасин.

Феруза ЖАЛИЛОВА, Ўзбекистон «Миллий тикланиш» демократик партияси Шайхонтоҳур туман кенгаши раиси



(Бошланғичи 1-бетда)

Четда турганлар четга чиқарилади

Хусусан, аҳолини ижтимоий қўллаб-қувватлаш мақсадида тузилган жамғармалар ва кўмакка муҳтож оилалар рўйхати энди ҳар бир маҳалла, туман, шаҳар ва вилоят кесимида «Ешлар дафтари» ва «Аёллар дафтари» тарзида шакллантирилади. Ушбу мақсадлар учун эса 100 миллион доллар миқдорда маблағ ажратилиш кузда тўтилган.

Маълумки, депутат халқ ишончини қозонган вакил сифатида ўз сайлов округида қандай муаммолар борлигини, ёшлар, аёллар сони қанча, уларнинг қанчаси ишсиз, ижтимоий кўмакка муҳтожлар, умуман, одамлар ҳаёти билан боғлиқ барча масалалардан хабардор бўлиши шарт. Шунингдек, у кўмакка муҳтож оилалар, ижтимоий ва хуқуқий ёрдам, билим ва хунар ўрганишга эҳтиёжи бор, тадбиркорлик бўйича эса ўз таклиф ва госянга эга бўлса-да, аммо уни амалга оширишга имкон топа олмаётганлар, ишсиз ёшлар ҳамда хотин-қизлар масалаларига бирламчи эътибор қаратиши лозим.

200 нафарга яқин партия фаоллари иштирок этган тадбирда депутат ўз ҳудуди учун нафақат масъул, балки ҳар бир фуқаронинг таянчига айланиши, Президент томонидан белгилаб берилган вазифалар ижросини назорат қилувчи шахсга айланиши лозимлиги таъкидланди.

Энди одамларга балиқ эмас, балки улар қўлига қармоқ бериб, балиқ тутишни ўргатишимиз лозим. – деди йиғилишида Ўзбекистон «Миллий тикланиш» демократик партияси Марказий кенгаши раиси Алишер Қодиров. – Яъни, ишсиз аёлга тикан машинаси олиб бериш билан муаммо ҳал бўлмайди. Биринчи навбатда, унинг тикувчиликка ўкуви бор-йўқлигини аниқлаш, бўлмаса, хоҳишига қараб, бирон-бир касбга ўрганиши учун шароит яритиб беришимиз керак.

Ана шу йиғилишдан кейин оқ ҳудудлардаги депутатлар жойларга чиқиб, реал ҳолатларни ўргана бошладилар.

Халқ депутатлари Фарғона шаҳар Кенгаши депутати Ҳамиджон Хабибидинов «Беглар» маҳалла фуқаролар йиғинида сайёр қабул ўтказиб, 30 дан зиёд мурожаатчининг ҳаётини муаммоларини ҳал этишга эришди.

Хусусан, фуқаро Б.Қамолов пандемия даврида 10 нафар кам таъминланган аёлни унга билан банд қилиб, ижара асосида фаолият юритиб келаётгани ҳолда ижарачининг кўп қаватли-уй қураётгани сабаб жойсиз қолгани учун депутатдан жой топишда ёрдам сўради. Мулоқот сўнггида фуқарога 3 йиллик муддатга 15 фоизлиқ кредит ажратиш ва унга қулай бўлган ҳудуддаги тадбиркорлар билан келишган ҳолда ижарага жой ажратиш масаласи ҳал этилди.

Фуқаро Б.Усмоновга чорвачиликни ривожлантириш, М.Қучқамовга энгил конструкцияли дўкон қуриш, Қ.Холматовга эса деҳқон хўжалиги ташкил этиш учун ер майдонлари ажратилишдан бўлди.

Тўртқўл туманидаги депутатимиз томонидан ҳам «Калтаминор» ОФЙ ҳудудидаги ижтимоий ҳимояга муҳтож оилаларнинг бир қатор муаммоларига ечим топилишини таъкидлаш жоиз.

Шу куни 25-сонли «Калтаминор» сайлов округидан сайланган депутат Муҳаммет Муҳамметов туман партия ташкилоти раиси Равшан Ҳасанов, «Ешлар парламенти» аъзоси Акмал Сражатдиновлар билан уйма-уй юриб, фуқароларнинг муаммоларини ўргандилар.

Натижада шу ҳудуддаги «Аёллар дафтари»га киритилган Меҳри Жумаеванинг ўзи ўқийдиган қиролмай қолган ёш қизларни ширинликлар тайёрлашга ўргатишга тайёр эканини, бунинг учун маҳаллага яқин жойдан бино ва имтиёзли кредит ажратилишида амалий ёрдам сўради. Меҳри опанинг турмуш ўртоғи Бахтиёр Қаландаров эса ўғил болаларга темир эшиклар ясашни беғараз ўргата олишини маълум қилди. Ушбу ташаббус ҳам қўллаб-қувватланиб, энгил конструкцияли устaxона қурилишида депутат ёрдам берадиган бўлди. Шу куни партия фаоллари «Аёллар дафтари»га киритилган «Атажурт» ОФЙнинг 7-бўлимида яшовчи кам таъминланган Ай-жамал Қурбанова хонадонидан ҳам бўлди.

Маълум бўлишича, А.Қурбанова қайнонаси А.Аманқличева устозлигида туркман миллий гиламларини тўқир экан. А.Қурбанова суҳбат давомида унга алоҳида бино ва кредит ажратилса, зарур асбоб-ускуналарни сотиб олиб, 20 нафар қизни гиламчиликка ўргата олишини таъкидлади.

Марҳамат туманида ҳам Давлатимиз раҳбари ташаббуси ҳар томонлама қўллаб-қувватланапти. Хусусан, «Хасанмерган» МФЙ, «Би-нафша» кўчасида яшовчи аҳоли неча йиллардан буён яроқсиз ҳолатга келиб қолган симёғочларнинг носозлигидан азият чекиб келар эди.

Депутат Обидахон Солиева ушбу муаммодан хабар топиб, туман ЭТК раҳбари Ҳасанбой Ахмедовга мурожаат қилди. Шундан кейин сим ёғочларни алмаштириш ишлари бошлаб юборилди.

Маъмуржон ЮЛДОШЕВ тайёрлади.

Кутинг!

ЖИРИНОВСКИЙГА «ҲОЯ» УЛАШАЁТГАН КИМ?

ЛДПР раиси «билиб-билмай» собиқ иттифоқни тиклаш мамлакат миллий хавфсизлиги учун муҳим эканини таъкидлашдан чарчамаяпти.

Келгуси сонларда


ОБУНА – 2021!

«Миллий тикланиш» ГАЗЕТАСИГА ОБУНА БОШЛАНДИ!

Обуна индекси **158**

Яхшилар масъулият билан иш қилишлари учун қонуларга муҳтож бўлмайдилар. Ёмонлар қонуларга чап бериш учун йўл топадилар.

Афлотун



Мунаввар Қори
АБДУРАШИДХОН,
«Тараққий» газетаси,
1906 йил 14 июн

БИЗНИ JAHOЛAT - JAHOЛTI MYPAKKAB

Ҳар миллатнинг мактаб ва мадрасаси ўлдиги каби, бизни ҳам мактаб-мадрасаларимиз гарчи бенизом ва беусул ўлса ҳам, йўқ демек даражада оз эмас. Ҳар миллат авлодини тарбиялаш ва таълими улуғда курсатган ҳиммат ва ғайрати каби бизларда ҳам ўз маъсум авлодларини жаҳолат ва ғафлат зулматида қолмоқига ҳеч бир ризолари улмай, қулларидан келганча таълим ва тарбияти авлодда қусурлик курсатмакчи зотлар мавжуддирлар.

Ва лекин дунёга нима учун келганини билмай, илм ва маорифга асло рағбат қилмай, жонидин ширин болаларини кўча-бакуча кездариб, бечора маъсумнинг азиз умрини жаҳолат оташина ёндирғувчи беҳамият ва бедиянат оталар ҳам ораимизда оз эмасдур. Кўп диндошларимизни кўрармики, ўз фарзандларини асло мактабга бермай орқаларидин эргаштириб, руслар эшигида ўзлари каби хизматчиликка ўргатиб, дунё ва охиратнинг саодати ўлгон илм ва маорифдин маҳрум қўймоқдин ҳеч бир ибто қилмаслар. Баъзи азизларимиз бордурки, ўглини қўлидин тутиб мактабга олиб борур. Муаллимдан толиб қилурга: «Тақсир, шу ўғлимни гўшти сизники устихони бизники, бир илож қилиб, тезлик ила нақд ва насия ёзмақни ўргатиб берурсиз», дер. «Эшагига яраша тушови» деган ўзбек мақолича, муаллимлар ҳам аксарлари қонуни таълим-тарбиядин бутун-бутун беҳабар кишилар ўлуб, балки ўқув ва ёзувни ҳам лозиминча билмасликлари ваҳидан бечора маъсумаларни истеъдоди зотиясига назорат икки йил зарфида жамий лавозумоти динияни билдирмоқ мумкин ўлгон ҳолда, тўрт-беш йилгача ҳижжа усули бирла дунё ва охиратга фойдаси бўлмагон Фузулий, Навоий, Хўжа Ҳофиз ва Бедил каби мушкул манзума китобларга умри азизини барбод этарлар.

ратдур. Муаллимда ҳам айб йўқ, чунки бу зикр қилингон улуми зарурияларни бечора муаллимнинг ўзи билмас, балки баъзиларини исминини ҳам эшитган эмас. Бечора на қилсун? Ночор, бефойда бўлса ҳам мактабларда болаларга ўқитгудек булардан бошқа бир китоб топилмагон замонларда ўзи ўқиб, билган китоблари шу китоблар ўлдиги чун эски ўрунларда эски тушларин кўрмақдурлар. Мани сўзимдан Фузулий, Навоий, Хўжа Ҳофиз, Бедиллар каби улўғ зотларни таҳқир қилди, деб гумон қилинмасун. Чунки мани ғаразим бу китобларни зотан бефойда демек эмас, балки ёш болаларга бу китобларнинг таълими бефойда, демекдир. Мисола бир болага Фузулий ўрнига илми қироат, Навоий ўрнига масоили эътиқодия, Хўжа Ҳофиз жойига масоили амалиёт, Бедил бадалига илми ҳисоб ўқитилса, дин ва дунёси учун қанча фойдалар хосил қилиб, мусулмон ўлур. Билъакс, бу китобларнинг ўзи ўқитулгон ҳолда бу фойдалардин маҳрум қолиб, балки фасод ахлоққа мубтало ўлмоғи ҳам эҳтимолдир. Чунки бу китобларни тасниф қилгон зотлар Оллоҳ таолойга қурбат пайдо қилгон кишилар ўлгонлари учун айтган сўзларининг зоҳири шариатга муволиф ўлса ҳам, ҳақиқати мувофиқдир. Чунончи мавлоно Фузулий дерки, фард:

Санамлар саждасидур бизда тоат тангри-чун, зоҳид, Киши кўрсанг сен, ўз динингда тақлифи намоз айла.

Ёки


Хўблар мөхроби абрусина майл этмасз фақих, Ўлса кофирдур, мусулмонлар, асно қилманг намоз.

Мавлоно Ҳофиз дерки:

Май нўшки, умри жовидоний ин аст, Кайфияти рўзгори фоний ин аст.

Ҳангоми гулу, лопла ёрон сармаст, Хушбош, дамеки, зиндагоний ин аст.

Бу каби сўзларнинг зоҳирий муволифи китоб, суннат бўлса



таълим бердилар. Ул жаноб каби бўлгон ифтиро, тухмат қилгон жоҳилни иншооллоҳ ўзи билур.

Баъзи нодонлар дермишки, шу китобларни ўқимагунча болаларнинг саводи чиқмас. Бу ҳам эътиқоди фосид ва даъвоий бедалилдур. Чунки бу эътиқод дуруст бўлса эди, Туркистон вилоятидин бошқа вилоятларда ҳеч кимнинг саводи ўлмас эди. Ваҳолонки, бошқа вилоятларда хат билмайдургон киши юздан ўн бўлса, Туркистон вилоятида юздан тўқсондир. Мундин ҳам маълум ўлурки, савод чиқмақ бу китобларни ўқумоққа муваққуф эмас, балки бу китоблар ғоят қийинликидин болаларни бесавод қолмоғига ҳам сабаб ўлур. Чунки бу китоблар ўқилдургон мактабларда эллик боладин ўн бола тўрт-беш йилда базўр ушбу китобларнинг ўзинигина хатини тануб чикур. Бошқа китобларни яна дуруст билмас. Аммо бу китоблар ўқилмайдургон жади мактабларида икки йил ичида эллик болани кирқ тўққизи балки ҳаммаси аласавия неча хил илмлардин имтиҳон бериб чикар. Боз бу китобларни ҳам билур. Хайр, дурустроқ ҳам билмасун? Лекин билмагани бирла бу боланинг на дунёсига ва на охиратига ҳеч бир зарари йўқ. Чунки бу китобларнинг ўзини дунё ва охиратга ҳеч бир фойдаси йўқ. Балки зарарининг эҳтимоли болада зикр қилинди. Хайр, келайлик садади каломғаки, ўғлини мактабга бермақдин мақсади нақд ва насия ёздурмоқ ўлгон жоҳил отанин ўғлига қилгон муаллим бечоранинг тарбияти, чеккан машаққатини ва маъсум бечорага мактабда берган кулфатини ёзиб битирмақ мумкин эмасдир. Кўргуси ва билгуси келган киши бизнинг Тошканд мактабларининг бирига кириб, икки соат истиқомат қилсун. Шунча демек мумкиндирки, муаллим афанди қўлида зўр бир таёқ, қайси боланинг боши ҳаракатдин қолса, ушбу таёқ шу боланинг бошида ўлур. Аммо ўқугон-ўқумағони ила ҳеч кимнинг иши йўқ. Бошини қимирлатиб ўлтирса

қифоя қилур. Ҳаттоки, ўтган йилларда бу тариқа золим муаллимларнинг таёқи остида вафот қилмоқ ҳам воқеъ ўлди.

Бу тариқа золим ва бадхулқ, жоҳил муаллимларнинг тарбиясида ўсган болалардин нима умид қилмоқ керак? Фасоди ахлоқдин бошқа бир иш ўрганмас. Жоҳил оталарни умид этдуклари нақд ва насия ёзмақ ҳам танҳо ўндан бир, йигирмадан бир болага хосил ўлуб, бошқалари эса «мактабда ўқумоқ, игна ила чоҳ қазимокдан ҳам қийин (мушкул) экан», дея-дея қочаркетар. Бунга сабаб муаллимнинг бадхулқлиги, мактабнинг бенизомлиги ўлур. Агар бизларнинг мактабларимиз бошқа миллатлар мактаблари каби бир низомга қўйилиб, яхши муаллимлик вазифасини лозиминча адо қилурлик кишилардин муаллимлар тайин қилинса эди, маъсум авлодларимизнинг руҳини ҳаётига, дунё ва охиратининг саодатига биринчи сабаб ўладургон илм ва маорифдин бу даражада маҳрум ўлмақига сабаб бўлмас эдук.

Эй қардошлар, вой миллатдошлар! Кўзимиз ғафлат уйқусидин очиб, атрофимизга назар солмақимиз лозимдир. Ҳар миллат ўз саодат ва истиқболини муҳофазатига биринчи восита илм ўлмақига қаноат хосил қилиб илм ва маорифга ортиқ даражада кўшиш қилган бу замон-да бизлар бу ғафлат ва жаҳолатимизда давом этсак, истиқболимиз ниҳоятда хавфлик ўлуб ҳамма оламга масхара ва кулгу ўлмоғимизда ҳеч шубҳа йўқдир. Балки, бу жаҳолат зулматида саодати ухравиядин ҳам маҳрум қолмоқ хавфлидир. Бу жаҳолат натижасидурки, ўзимиз ерлик мусулмонлардин улдиғимиз ҳолда мусофир рус ва яҳудийлар эшигида мардикор ва хизматчи ўлдук. Бу жаҳолат хоҳишдурки, миллат фойдаси учун жонин қурбон қилмоққа лойиқ арслон каби йигитларимиз бутун миллатни ёдларидин чиқориб, истеъдод ва ғайратларини чойхона ва пивахоналарга сарф этмақдурлар.

Худудларда

Дастур талаби ва фарзандлик бурчи билан...



Махсуд МУҲАММЕДОВ,
Ўзбекистон «Миллий тикланиш» демократик партияси вилоят кенгаши раиси

Давлатимиз раҳбарининг Олий Мажлисга Мурожаатномасида юртимизда 8200 дан зиёд маданий мерос объекти бор бўлса-да, туризм йўналишига уларнинг атиги 500 таси киритилгани таъкидланиб, мутассади ташкилотларга ЮНЕСКОнинг Умумжаҳон моддий ва номоддий маданий мероси рўйхатига янги объектларни киритишни тезлаштириш юзасидан топшириқлар берилган эдилар. 829 та моддий-маданий мерос объекти рўйхатга олинган Бухорода ҳам бу борада тизимли ишлар олиб борилмоқда. Улар орасида Чор Бахр ва Баҳоуддин Накшбанд ёдгорлиги мажмуаси, Вобкент минораси, Чашмаи Аюб ва Сомониёлар мақбаралари, қадимги Пойкент, Варахша, Вардонзе ва Кўргони Ромитан

сингари археологик объектлар бор. Энг оғир аҳволда бўлган 12 та маданий мерос объектида эса қайта тиклаш ишлари бошланди. Бу рўйхатга Бухоро шаҳридаги Намозгоҳ, Равағгарон, Хўжа Калон, Қуйи Хонақо, Кунжак, Лаби Ҳовуз Қози Калон масжидлари ҳамда Тошсарой, Қўқалдош ва Чуқур мадрасалари, шунингдек, Баҳоуддин Накшбанд мажмуасининг Тоқи Миёна дарвозахонаси қолдиқлари, Шофиркон туманидаги Хўжа Ориф ар-Ревгарий (Моҳитобон) мажмуаси киритилиб, уларда қурилиш-таъмирлаш ишлари олиб бориляпти. Бунда маҳаллий ва хорижий инвесторлар кўмагидан самарали фойдаланилаётганини таъкидлаш жоиз. Жумладан, инвестиция қиймати 65,6 миллиард сўмни

(ташаббускорлар ҳисобидан 43,7, кредит ҳисобидан 21,9 миллиард сўм) ташкил этадиган янги лойиҳалар шулар жумласидандир. Бунда 295 та янги иш ўрни яратиш ҳам кўзда тутилган. Маълумки партияимизнинг 2020-2024 йилларга мўлжалланган Сайловолди дастурида маданий мерос объектилари муҳофазасини кучайтириш билан бирга уларни ЮНЕСКОнинг Умумжаҳон мероси рўйхатига киритиш бўйича тақлифлар тайёрлаш масаласи ҳам муҳим вазифа сифатида белгилаб олинган. Ана шу талаб ҳамда шу юртимиз оддий бир фарзанди сифатида барча партиядошларимиз маданий мерос объектиларини асраб-авайлаш, уларнинг бутлигини сақлаш ҳамда келажак авлодга етказиш йўлида бор куч ва имкониятларидан фойдаланмоқдалар.

«Мен ҳамиша ўзимни бахтиёр сезаман, биласанми нега? Чунки мен ҳеч қачон ҳеч кимдан ҳеч нарса кутмайман. Қутиш бу – азоб. Қаёт қисқа: Шундай экан, ўз ҳаётингни сев, ҳамиша кулиб бок. Гапиришдан олдин тингла, ёзишдан олдин уйла, пулни сарфлашдан олдин ишлаб топ, аразлашдан олдин кечиритишни бил, оғритишдан олдин ҳис қил, нафратланишдан олдин сев, ўлишдан олдин яша!»

Уильям Шекспир, ёзувчи



Инсон гапиришни ўрганиши учун икки йилга муҳтож бўлади. Жим туришни ўрганиши учун эса, эллик йил керак.
 Эрнест Хемингуэй

«Мен вирусдан куч олдим»

Инсоният бошига келган пандемияни ёмонлайвериб чарчадик. Тўғри, ёмонни ёмон дейиш керак. У қўп азобларга, айрилиқлар ва синовларга дучор қилди бизни. Пандемия туфайли яқин юз йилликлар ичида башариёт кўрмаган оғир кунларни бошдан кечирдик. Бу эса, замондошим, Сиз билан бизнинг чекимизга тушди.

Тарихга назар солсак, боболаримиз мустабид тузумга қарши, оталаримиз Иккинчи жаҳон урушида, биз эса кўзга кўринмас ҳийлагар «душман» маҳорабасида кураш олиб боряпмиз. Қизик, рўбарўйингда душманинг турмаси, унинг кўзига қараб, кучи ва заиф томонини ҳис қилмай туриб жанг қилиш қийин экан. У сенинг ўнгиңг ёки сўлиндан келадими, осмондан тушадими, ердан чиқадими, билмай қоларкансан. Фақат ёнингга турганларнинг йиқилганида кўрасан. Энг алам қиларли жойи эса, ўша азизларингга ҳеч қандай ёрдам қилолмайсан. Ҳатто тобутини елканга олиб, эҳтиром билан сўнги манзилига қўя олмайсан. Ота ўғлидан, она қизидан, ака синглисидан беҳабар, сув тутолмайди, бошини силлолмайди... Ҳа, ҳар ким якка - якка ўлим билан олишди. Елғиз, бенаво, бедаво кунларни бошдан кечирдик...

Бир вақтлар Қўқон теракларни, яъни ёғочлари бошқа жойларникига нисбатан қимматроқ туришини эшитган эдим. Нега деб

сўраганимда, у ернинг теракларни бақувват бўлади, чунки улар ниҳоллигиданоқ тинимсиз эсган шамолда чиниқади дейишган эди. Биз ҳам бугун худди Қўқон теракларидек кучли бўлдик. Танимиз майишса-да, тикландик, пишдик. Эгилдик, букилдик, аммо синмаяпмиз...

Вирус бизга кўп нарсаларни ўргатди. Одамнинг умри олдида, яъни соғлиги ва хотиржамлиги олдида ҳамма нарса ўткинчи, бемаъно эканини, гердайиб минган машиналаримиз оддий темир, кийимларимиз оддий матоҳ, тақинчоқларимиз тош, пулларимиз қоғоз эканини кўзимизга кўрсатиб, онгу шууримизга сингдириб қўйди. Уларнинг ўрнига меҳр, муҳаббат, инсоф, диёнат деган бебаҳо неъматларни қанчалар зарур эканлигини англаб қўйди!

Мен ҳам коронавирус билан касалландим. Шунда билдимки, Оллоҳнинг берган белул, беғараз, беътама ҳавоси нақадар улуг мукофот экан...


Одамларни соғиндим. Тўю томошаларимизни, гап-гаштакла-

римизни, сайру саёҳатларимизни соғиндим. Малол келиб борадиган йигинларни, чарчаб қайтадиган тадбирларни, кўчани соғиндим. Симёғочлару панжараларни, светафору кўприкларни соғиндим. Кетдик, фалон соатда, фалон жойда кўришамиз дейишларимизни, фалон кунни бизникига келинг ёки сизникига борамиз дейишларни соғиндим. Ниқобларсиз, қўлқопларсиз дўкон айланишларни соғиндим. Ва, айниқса, жигарларимни, фарзандларимни, яқинларимни, касбдошларимни, азизларимни бағримга босишни соғиндим, соғиндим...

Мана, энди айтингчи, шунча соғинч одамни ким қилади? Исёнкор қилади! Етмиш икки томирим ғайратга, шижоатга, муҳаббатга тўлди. Энди мен бошқа одам бўлдим. Одамларга, оламга меҳрим кўзларимдан тошиб кетди. Мен энди ҳаммани севадиган бўлиб қолдим. Мен энди дардқашроқ, дилқашроқ, эътиборлироқ, хушёрроқ бўлдим. Мен вирусдан куч олдим!



Фарида БЎТАЕВА, Олий Мажлис Қонунчилик палатаси депутати, Ўзбекистон «Миллий тикланиш» демократик партияси фракцияси аъзоси, шоира



«Қизим» дейми, «синглим» десаммикан? Ешим, ҳаётим ва адабий тажрибамни ҳисобга олсак, ҳар иккала ҳолатда ҳам ҳаққим бор, деб уйлайман. Аммо менга кўпроқ «қизим» қулайроқ.

Сизнинг Самарқанд вилояти ҳокими Эркинжон Турдимовнинг оқсочларни тайёрлаш ҳақидаги фикрига қуйинчаклик билан ёзган «пост»ингизни ўқидим. Очғини айтаман, менда яхши таассурот қолдирмади, она қизим. Саёз ва шаллақилик оҳанглари сезиладди. Кўпчиликнинг эътиборини Э.Турдимовнинг «оқсоч» деган сўзи тортган. Мен сизнинг ўша кўпчиликка ўшамаслигингизни истардим. У сиз каби тажрибали журналист, сўзни заргарона ишлатадиган филолог экан. Касби бошқа, соҳаси бошқа. Журналист дегани фақат сўзни эмас, унинг ортидаги маъно-моҳиятни кўра билмоғи керак.

Ҳоким нима демоқчи ўзи? Мақсади нима? Сиз ёзганингиздек

фашист ёки қонхўр эмасдир? Профилемга кирсангиз, «Жўжанинг биографи» деган «пост» бор, у ердаги гапларни такрорлаб ўтирмайман. Афтидан сизнинг ёзганларингиз ҳам «жўжанинг биографи» бўлган кўринади.

Ҳаммамизнинг онамиз оқсочлик қилган. Ёшлигингизни эсланг. Оёғимизга тикан кирса ҳам онамизнинг олдида югуриб борардик. Ваҳоланки, унинг тиббий маълумоти бўлмаган. Ҳам тарбиячи, ҳам ўқитувчи, ҳам ошпаз, ҳам тикувчи, ҳам ямоқчи, ҳам ҳамшира, маникюр-педикюр ҳам қилиб кетаверардик. Эҳ-ҳэ, онамизнинг вазифаларини санайверсак қоғоз етмайди. Уйимизда битта бешик бўларди - ҳаммамиз; етти ака-ука шу бешикдан чиққанмиз. У ҳеч қачон буш бўлмади. Онамиз бечора йил оралатиб туғардилар! Э.Турдимов шу оқсоч қиладиган ишининг бир қисмини бошқа оқсочга олиб бериб, оналаримиз ва аёлларимизнинг ишини бир оз енгиллатмоқчи

бўлапти, холос. Кўчадан келган оқсоч бу юмушларни малакали, юксак профессионал даражада ва моҳирлик билан бажара олиши учун қаердадир ўқиши, малака ошириши керакми? Бола розеткага миҳ тиқиб, ток урганда нима қилиш керак, куйганда қандай биринчи ёрдам бериши керак, пишир-қуйдирга ўқиви қанақа - буларнинг ҳаммасига ўқитиш-ўргатиш керак. Бунинг нимаси ёмон?

Яна бир гап. Ёзганларингиздан шу нарса тушуниладики, гўё бутун ўзбек хотин-қизларидан оқсоч тайёрлаб, ўрисларнинг кетини артиш учун Россияга ва бошқа давлатларга жўнатиладигандай. Ҳамма олий ўқув юртлири фақат ва фақат оқсоч тайёрлаш билан банд бўладигандай. Консерватория ҳам, Санъат институти, ТошМИ ва УзМУда нуқул оқсочлар тайёрланади! Сизнингча шундай бўлиб чиқяпти-да, онаш қизим. Ваҳоланки, ҳоким уйда ўтириб қолган, бирор касб-кори

бўлмасада, оила бюджетига ўз ҳиссасини кўшмоқчи бўлган миллион-миллион аёлларни назарда тутяпти. Фикри ўткир, идроки тиниқ одам зоти борки, Эркинжон Турдимовнинг фикрини қўллаб-қувватлайди. Эҳтимол, «оқсоч» сўзи ўрнига «уй бекаси» деб ишлатармиз. Ахир, юқорида айтганимдек, анкета тўлдираётганимизда онамизни «уй бекаси» деб ёзмамиз-ку. Касалхоналарда ҳам хўжалик ишларига масъул ходима «сестра-хозяйка», «бека-ҳамшира» дейилади.

Мавлуда қизим. Фикримга қўшилмасизми-йўқми - ихтиёрингиз. Лекин, ўзгаларнинг фикр-мулоҳазасига бағрикенгроқ бўлганингиз дурустми, деб уйлайман.

Нимададир дилингизга озор етказган бўлсам, шarti кетиб, парти қолган бир қарияни кечирасиз, деган умиддаман.

Шароф БОШБЕКОВ

Мавлуда (Тошпўлатова) қизимга

ОЧИҚ ХАТ

«Кундаижувоз»да китоб улашилди

21 октябрь - Ўзбек тилига давлат тили мақоми берилгани муносабати билан Ўзбекистон «Миллий тикланиш» демократик партияси Сурхондарё вилояти кенгаши ҳамда вилоят Маънавият ва маърифат бўлими Сароисиё туман ҳокимлиги ҳамкорлигида мамлакатимизнинг энг чекка ҳудудидида жойлашган «Кундаижувоз» қишлоғида «Тил - миллатлараро тотувлик калити» мавзусида давра суҳбати ташкил этилди.

Шунингдек тадбир давомида «Оилаларга маърифат улашиб» китобхонлик акцияси ташкил этилиб, кам таъминланган оилалар ва ногиронлиги бор кексалар ҳолидан ҳам хабар олинди. Уларнинг фарзандларига эса ўқув қуроллари ва китоблар совға қилинди. 46-сонли умумтаълим мактаби кутубхонасига ҳам китоблар тақдим этилди. Қишлоқ аҳли бундай маданий-маърифий кечалар ёшларнинг маънан етук, руҳан соғлом, тарихимизга, она тилимизга ва миллий қадриятларимизга ҳурмат билан қарайдиган баркамол инсон бўлиб улғайишларига катта ёрдам беришини таъкидладилар.

Наргиза РАҲМАТУЛЛАЕВА, Маънавият ва маърифат маркази Сурхондарё вилоят бўлими раҳбари, партия фаоли

✓ Фотофакт

Хўжаобод ва Андижон туманларида чиқинди тўплаш масаласида «конкурс» эълон қилинганми?



Маълумотларга кўра, ҳар йили дунё миқёсида ифлосланган ҳаводан нафас олиш натижасида 7 млн.га яқин киши вафот этар экан.

Яқин-яқингача ҳам бундай маълумотларнинг бизга алоқаси йўқ, деб юрардик. Чунки, кўчага ахлатини чиқазиб қўйиш, сувга чиқинди ташлаш бу - иснод саналар, ҳар қандай ҳудуддаги аёлларнинг хатти-ҳаракати энг аввало саранжом-саришталик орқали баҳоланар эди. Кекса отахон-онахонларнинг биргина қараш билан эса маҳалла-қўй, кўча ёки гузарлар озода масканга айланарди. Ҳатто баланд қаватли бинолар атрофида ҳам ана шундай ёзилмаган қонунлар амал қиларди. Аммо бугунга келиб, ҳар қадамда улкан ахлат «қути»лари ўрнатилаётган бўлса-да, эски анъана, урф-одатларнинг ўзгариши туфайли она табиатга ҳам белисанд бўлиб қолдик.

Суратларда Хўжаобод туманидаги Баркамол авлод, Жаҳонобод ҳамда Андижон туманидаги Хортум маҳаллаларидаги ҳолатни кўриб турибсиз. Бир қарашда ана шу таъсирлар ахлатларни кўчага олиб чиқиб қўйиш бўйича гўёки танлов эълон қилинганидек

таассурот уйғотади кишида. Ҳатто замонавий кўринишдаги хонадонлар дарвозаси олдида ҳам тоғдек чиқиндилар саф тортган. Маълум бўлишича, ахлат тўплайдиган машиналарнинг ўз вақтида келмаслиги бунга сабаб экан. Натижада Андижон шаҳридан Бобур номидаги маданият ва истироҳат боғига олиб борувчи асосий йўл ҳам шундай ҳолатга келган. Асосий йўллардаки шундай миниахлатхоналар бунёд этилган экан, Хўжаобод ва Андижон туманининг ички кўчаларидаги аҳвол қандай экан?

Тўғри, ободонлаштириш ва тозалikka масъул ташкилотларнинг бундай ҳолатларга жиддийроқ эътибор бериши талаб этилади. Аммо қачондан Хўжаобод аҳли бундай ҳолатга кўника бошлади, қачондан нафақат вилоятга, балки бутун водийга намуна бўлиб келган Андижон туманида озодлик, саранжом-саришталик ўрнини лоқайдлик эгаллаб бошлади? Биз мутасаддилардан ушбу саволга жавоб қутиб қоламиз.

Ўзбекистон «Миллий тикланиш» демократик партияси Андижон ахборот хизмати

Кутинг!



«ISHONCH» газетасининг навбатдаги сониди Тошкент шаҳар қасаба уюшма ташкилотлари бирлашмаси раиси Сайфулла Аҳмедов ҳақида самимий мақола эълон қилинибди. Аммо муҳбир хатога йўл қуйганим, ёки муҳбирга нотўғри маълумот берилганим ҳар қалай С.Аҳмедов билан бирга ишлаётганлар, хусусан пойтахтдаги ҳамкасблари унинг ёши бироз бурттириб кўрсатилган, деган ярим ҳазил, ярим чин фикрни билдиришди. Сайфулла аканинг тиниб-тинчмаслиги бошқаларга ҳам «юққани» бежиз тилга олинмаяпти, албатта.


— Айниқса унинг бир гапини ҳамкасб сифатида кўп уйлайман эслаиман, — дейди «Шарқ» нашриёт-матбаа акциядорлик компанияси қасаба уюшмаси раиси Ғулум ака Ҳакимов. — У энди шаҳарга сайланган пайтлар эди. Бир йигилишда оромгоҳлардаги вазият, мавжуд муаммолар, ша-роитларни яхшилаш, айниқса, тозалikka эътибор қаратиш ҳақида гапира туриб, «Ўз боламизга нимани раво кўрсак, оромгоҳларда ҳам ана шундай шароит яратишимиз керак» деб қолди...

Келгуси сонларда

Онам билан бошқаларнинг орасидаги фарқ шуки, бошқалар мени маҳзун ҳолда кўрмасликни орзу қиладилар. Аммо онам мендан маҳзунликни ўзига олишни орзу қилади.

Маҳмуд Дарвеш

Уша тунда Мари бу ҳақда ҳатто хотира дафтарчасига ҳам ёзиб қўйди. Дафтарчанинг 2155 йил 15 майга тегишли саҳифасида шундай дейилган эди: «Бугун Томми уйдан китоб топиб олди!» Китоблар ҳақида Мари бобосидан эшитган эди. Бобосига ҳам ўз пайтида ўзининг бобоси айтиб берган эмиш. Бобосининг айтишича, бир пайтлар ёзувлар қоғозларда чоп этилган! Томми топиб олган китоб жуда эски эди. Акасингил уни варақлай бошлашди. Китобда қимирламай турган ҳарфларни томоша қилиш уларга ҳаддан зиёд завқли эди. Чунки улар сўзларни экранда ўқишга ўрганиб қолишган эди-да...
– Буни қара! – деди Томми, – эсизгина...
Бундай китобларни ўқиб бўлгач, ташлаб юборган бўлишса керак. Бизнинг электрон кутубхонамизда миллионлаб китоблар бўлса ҳам, буни улардан минг марта яхшироққа ўхшайди. Уни қўлда ушлаш, ҳатто ёнингда олиб юришинг ҳам мумкин. Мен бунақа китобларни ташлаб юбормаган бўлардим.



Айзек АЗИМОВ

ЎҚИТУВЧИ ОДАМ БЎЛГАН ЭКАН

– Мен ҳам, – деди Мари китобни авайлабгина сийпаларкан. У эндигина ўн бир ёшга кирган, Томмичалик телекитобларни кўп кўрмаган эди. Томмининг ёши ўн учда, электрон кутубхонага киритилган китобларни кўп ўқийди, тил ўрганишга қизиқади, ҳатто қадимий тиллардан айримларини ҳам ўзлаштирган.
– Буни қаердан топдинг? – сўради қизалоқ. Бола китобдан кўзини узмаган ҳолда қўли билан ишора қилди: «томдан».
Томми китоб ёзилган қадимий тилни унча-бунча тушунар экан, уни ўқишга берилиб кетди.
– Нима ҳақда экан? – сўради Мари сабри чидмай.
– Мактаб ҳақида...
Мари бу гапдан бурнини жийирди. «Мактаб? Мактаб ҳақида нимани ҳам ёзиш мумкин? Мен мактабни ёмон кўраман!»
Қизча мактабни чиндан ҳам ёмон кўрарди. Негаки, робот «ўқитувчи» қизчага фанлардан тест устига тест берар, у эса ҳеч яхши ўзлаштира олмасди. Бу ҳолат то унинг онаси уйга «ўқитувчи»нинг ҳолатини текшириб кўриш учун техник мутахассисни чақирмагунча давом этди. Мутахассис ўзининг ҳар хил темир-терсақларга тўла асбоблар қутиси билан келиб, «ўқитувчи»ни бўлак-бўлак кўрди. Уша тобда Мари «ўқитувчи»сининг қайта тикланмасдан, бир уюм темир-терсақ ҳолида қолиб кетишини шундай хоҳладики... Бироқ ундай бўлмади. Техник уста ҳаммаси жойида эканлигига ишонч ҳосил

қилди ва бир соат ўтар-ўтмас, Марининг қаршисида яна ўша – баҳайбат, қоп-қора, саволлар уй вазибалари кўрсатиб бориладиган совуққина экранли «ўқитувчи» турарди.
Мари энг ёмон кўрган нарса бу «ўқитувчи» экрандаги тест жавоблари ва уй вазибаларини қўйиш учун мўлжалланган очик жой эди. У ҳар сафар топшириқларга олти ёшлигида мажбуран ўргатилган кодни киритиши керак бўларди. Робот «ўқитувчи» эса баҳони дарровгина ҳисоблаб қўя қоларди.
Уша кунни техник мутахассис Марининг онасига қарата деди:
– Айб қизчада эмас, миссис Жонс. Менимча, фанлар сектори меъёрдан бироз тезроқ ишлайди. Мен уни ўн ёшга мослаб секинлаштириб қўяман...
Марининг умиди пучга чиқди. У «ўқитувчи»ни олиб кетишса керак, деб уйлаганди. Бир сафар Томмининг «ўқитувчи»сини роса бир ойга олиб кетишганди-да. Сабаби, ундаги тарих сектори бутунлай ёпилиб қолган экан.
Шуларни хаёлидан ўтказаркан, Мари эски қоғоз китобни берилиб ўқиётган акасига деди:
– Нимага энди айнан мактаб ҳақида ёзишган экан? Бунинг нимаси қизиқ?
Томми синглисига ғалати қараш қилди ва билагонлик билан деди:
– Бунда бизниқига ўхшаган мактаб ҳақида ёзишмаган, тентаквой! Бу юзлаб йиллар олдинги мактаб!

Унақа мактаб ҳақида ҳеч нима билмаслиги Марига жуда алам қилди. У Томмининг елкалари оша китобга кўз югуртирар экан:
– Нима бўлганда ҳам у ерда ўқитувчилар бўлган-ку. Уларнинг нимасини ёзиш мумкин? – деди бўш келмай.
– Ҳа, албатта, у ерда ўқитувчилар бўлган. Аммо улар одам бўлган!
– Одам?! – энди Мари чинакамига ҳайратда қолди. – Қандай қилиб одам ўқитувчи бўлади?
Томми кулгудан ёрилай деди.
– Мен бегона одамнинг уйимизда менга дарс беришини истамаган бўлардим, – деди Мари бидирлаб.
Томми энди жиддий тортди.
– Сен билмайсан, Мари. Ўқитувчи ўқувчиларининг уйда яшамаган. Мактаб учун алоҳида, махсус бинолар қурилган. Ҳамма болалар ўша ерга бориб таҳсил олишган.
– Улар бир хил сабоқ олганларми?
– Албатта, тенгдошлар бир синфда бир хил сабоқ олишган...
Энди Мари ўша қизиқ мактаблар ҳақида кўпроқ билиш иштиёқига тушиб қолди. Томмидан китобни овоз чиқариб ўқишини ялиниб сўрай бошлади.
Уларнинг онаси «Болалар! Мактабга!» деб чақирганда улар китобни ҳали ярмигача ҳам ўқиб улгуришмаган эди. Мари Томмига ёлворган оҳангда деди:
– Дарсдан сўнг китобни яна ўқиймиз-а?
– Бўпти, – деди Томми. Унинг

ўзи ҳам китобда ёзилганлар таъсирида ғалати аҳволга тушиб қолганди.
Мари уйларидаги мактаб деб номланадиган хонага кирди. Бу хона унинг ётоқхонаси рўпарасида эди. Ичкарида робот «ўқитувчи» қизни кутиб турган экан, Мари киргач, унинг экрани ёришди ва «Илтмос, кечаги уй вазибаларини керакли жойга киритинг», деган совуқ темир овоз янгради. Мари хўрсиниб, кўрсатмани бажарди. У ҳамон бобосининг бобоси бола бўлган пайтлардаги қадимий мактаб ҳақида уйларида. «Барча болалар қулишиб, ўйнаб-қулиб мактаб ҳовлисига кириб келишган, – уйларида қизча ҳавас билан энтиқиб. – Синф хонаси деган жойда барчалари бирга ўтиришган, уларга бир хилда сабоқ берилган. Кун охирида барча ўқувчилар уйга ҳам бирга қайтишган. Уй вазибаларини бирга тайёрлашган, бир-бирларига кўмаклашишган, бахслашишган... Ўқитувчилари ҳам одам бўлган экан. Демак, у билан бемалол гаплашиш, маслаҳат олиш, ҳатто дўстона сўхбатлашиш мумкин бўлган...»
Мари ўша вақтда болалар ўз мактабларини қанчалик севганларини тасаввур қилишга уринар, «Мактаб ҳам, ўқитувчилар ҳам шунчалик яхши бўлиши мумкин экан-да! Уша вақтларда болаларга қандай мазза бўлган экан-а!» дея уйларида.

Инглиз тилидан Маҳбуба ВАХОБОВА таржимаси

Афғонистонлик ўзбек йигити: она тилимиз бизга гурур бағишлайди

Биз она тилимиз билан ҳар қанча фахрлансак арзийди. Ўзбек тилининг шону шавкатини, унинг улкан ҳазина эканлигини буюк мутафаккир Алишер Навоий ўз асарларида кўрсатиб берган. Ана шу тилда сўзлашаётганимиздан фахрланамиз.
Маълумотларга қараганда, ўзбек тилида ер юзиде 50 миллионга яқин аҳоли гаплашади. Бу дунёда ҳар 150 кишидан бири ўзбек тилида сўзлайди, деганидир. Ферузуллох Сирдош Афғонистон Ислом Республикасининг Фориёб вилоятида яшайди. Ўзбек миллатига мансуб бу йигит Сурхондарё вилоятидаги Афғонистон фуқароларини ўқитиш таълим марказида ўзбек тили ва адабиёти йўналишида таҳсил олган. Биз унинг она тили ҳақидаги фикрлари билан қизиқдик.
– Дунёда ҳар бир миллат ўзининг она тилиси билан тирик, – дейди Ферузуллох. – Тилини билмаган элини билмас, деганлар бежиз айтилмаган. Ўзбек тили бекиёс сўзга бой, узоқ тарихга эга бўлиб, бутун дунё ўзбекларининг миллий тили ҳисобланади. Ўзбекистонда ўзбек тилига давлат тили мақоми берилгани, бизнинг Афғонистон Ислом Республикасида ҳам расмий давлат тили сифатида тан олингани барчамизга фахр бағишлайди.
Шеърияга қизиққан унинг она тилида ижод қиламан. Ўзбекистонда ҳам шу йўналишда ўқидим. У ерда ўзимизни уйдагидек ҳис қилиб, яшадик. Қисқа фурсат бўлса-да, аммо ўқитувчиларимиздан ўзбек тили ва адабиётини чуқур ўргандик. Ўзбек тили катта бир ҳазина аслида. Бу тилда битилган асарларни ўқиб, унинг мағзини чақиб, тугатолмайси.
Она тилимиз – бизнинг ўзгичимиз, гуруримиз. Бу буюк аждодларнинг тили. Афғонистон Ислом Республикасида 10 миллиондан ортиқ ўзбеклар яшаётган шимолий вилоятлардаги университетларда ўзбек тили ва адабиёти бўйича бўлимлар ташкил қилинган.
Бугунги кунда ўзбек тили мавқеини халқаро миқёсда кўтариш учун кўплаб саъй-ҳарақатлар қилинаётганига гувоҳимиз. Ўзбекистон Президентининг Бирлашган Миллатлар Ташкилати Бош Ассамблеяси 75-сессиясида ўзбек тилида нутқ сўзлагани катта тарихий воқеа бўлди. Биз ҳорижда яшаётган ўзбеклар ҳам рости бундан жуда тўлқинландик.
Биз дунёнинг қайси юртидан бўлишимиздан қатъий назар, шундай она тилимиз бор эканлигидан фахрланамиз. Тилимизни севиб, унинг ривожланиши ва гуллаб-яшнаши учун сидқидилдан тинимсиз ҳарақат қилишимиз керак. Амир Темур, Алишер Навоий, Захриддин Муҳаммад Бобурларнинг авлодлари сифатида уларнинг бой меросларини асраб-авайлаб, кейинги наслларга етказиш мизим вазифа ҳамда масъулиятдир.
М.СУЛАЙМОНОВ сўхбатлашди.

Орамиздаги одамлар

Нафс учун иймонини сотаётганлар

Ҳанузгача айрим ҳудудларимизда ҳатто пойтахтда ҳам пневмония ёки «Covid-19»га қарши дориларни бир неча баробар қиммат нархларда сотиш ҳолатлари кузатилмоқда. Аксарият ҳолларда кўкрак нафасини текширувчи, қон таҳлиллари олувчи «медташклотлар» хизмати ҳам сунъий равишда ошириб юборилаётгани таъкидланмоқда. Пандемия шароитида шундай йўл билан бойини мақсад қилаётганлар одамларнинг қарғишига қоляптилар, десак хато бўлмайди. Кунни кеча «facebook»да қуйидаги «пост»ни ўқиб қолдим...
«Буюрмасин. Топганингни ёмон кунларингга ишлатгин фақат! Отам оғир бўлди, жуда оғир бўлди. Аммо бу вирус эмас, дейишди. Пневмония экан. Улканнинг анча қисми шикастланибди, жуда оғир ётибдилар. ЦИТОХРОМ С, деган дори зарур экан. Ўзимиздан топа олмай Тошкентдан олиб келтирдик. 1 370 000 минг сўм экан бир қутиси. Бу зормондан камиде олти-етти қути керак. Икки қутини аранг олдириб келдим... Пулим тугаб, юк машинасида Россияга қатнайдиган дўстимнинг олди-дига қарз сўраб боргандим. Урисдаги танишларидан суруштириб берди. Россияда ўша дори бизнинг пулимизга 370 минг сўмга тушар экан. Аммо чегардан фақат икки қути олиб киришга рухсат берилар экан. Уша дўстим учта таниш «фурӯа»чаги илтмос қилди. Икки қути-икки қути қилиб, олти қутида олиб кириб берадиган бўлишди. Раҳмат уларга...
Лекин сенларга минг лаънат. Халқнинг қарғиши урсин сенларни. Ўз халқининг касали, ўлимидан пул қилаётганларга».

Facebookдан олинди

Эълон!

Тошкент шаҳри, Чилонзор тумани 181 (195А)-умумтаълим мактабидан 2019 йилда **Умаров Камолiddин Фахриддин** ўғли номига берилган аттестат йўқолганлиги сабабли БЕКОР қилинади.



ҚОНУН ТАЛАБГА ЖАВОБ БЕРМАЙДИ


«Гардиан» газетасида хабар қилинишича, Британия музейи мутасаддилари Ўзбекистондан ноқонуний йўл билан олиб чиқиб кетилган ва «Шоҳи Зинда» ёдгорлик мажмуидан кўчириб олинган безакли ҳамда ёзувли керамик тахтачаларни Ўзбекистонга қайтаришга қарор қилибди. Шу ўринда нодир ашёларнинг ҳақиқатан ҳам Ўзбекистонга тегишли эканини аниқлашда Ўзбекистоннинг Лондондаги элчихонаси, Ўзбекистон маданият вазирилик ҳузуридаги маданият ва санъатни ривожлантириш жамғармаси, Ўзбекистондаги Ислом цивилизацияси маркази мутахассислари, шунингдек, Британия

музейи Яқин Шарқ бўлимининг катта илмий ходими Жон Симсон фаол иштирок этганини таъкидлаш жоиз. Таниқли исломшунос олим Шаазим Миноваров ўзининг «facebook»даги саҳифасида ёзишича, Британия музейи бундан кейин ҳам ноқонуний йўл билан бошқа мамлакатлардан олиб чиқиб кетилган осори атиқаларни ўз эгаларига қайтаришда давом эттишини маълум қилган. Ўзбекистон Фанлар академияси Тарих институти директори, таниқли олим Азамат Зиё ҳам ана шу воқеага муносабат билдирар экан, бу жуда ҳам ачинарли ва уятли ҳол, дейди. Бироқ охириги эмас. Очикланмай қолган ҳолатлар қанча экан!

Минг афсус, маданий мерос объектларининг кўриқлаш тизими кўнгилдагидек ишлаётгани йўқ. Ваҳоланки охириги уч-тўрт йилда давлат раҳбарияти томонидан соҳага эътибор бутунлай ўзгарди, йигирма беш йилда бўлмаган туб ўзгаришлар юз берди. Аммо кўриб турганимиздек, хунук воқеалар юзага қалқиб чиқмоқда. Нега шундай? Тизимдаги ходимларни ўзгартириш қийин кечаётганга ўхшайди. Жамоатчилик назорати ҳам султаландек. Яқинда «Маданий меросни муҳофаза қилиш тўғрисида»ги қонун лойиҳасига муносабат билдиришга тўғри келди. Ундаги соғлом фикр ва мантиққа тўғри келмайдиган жиҳатлар етарлидир. Энг

муҳими, лойиҳада моддий маданий мероснинг кўчмас мулк объектлари жойлашган ерларда ҳамда уларнинг кўриқланадиган теғраларида ер қозиш, ер тузиш, қурилиш, сугориш, хўжалик ишлари ва бошқа ишларни, моддий маданий мероснинг кўчмас мулк объектларини асраш бўйича ишларни амалга ошириш, шу жумладан, моддий маданий мероснинг кўчмас мулк объектларида илмий ва илмий-техник тадқиқотлар ўтказиш масаласи охиригача етказилмай очик қолдирилган. Холбуки, маданий мерос объектларининг бузилиши, йўқолиши худди шу жараёнда содир бўлади ёки қилинади. Кейин эса, мана бундай хабарларни ўқиб, жигийрон бўлиб юраверамиз.





Эшиклар ҳар қанча катта бўлмасин, уларнинг калити кичкина бўлади.

Чарльз Диккенс

Футболимиз тарихида биринчи марта ўзбек йигити Европанинг нуфузли жамоаларидан бирида уйнайдиган бўлди. Бу Ўзбекистон учун, миллий футболимиз ва, албатта футболчиларимиз учун жуда катта воқеа ҳамда рағбат бўлди. Бу яна бир бор ўз орзулари сари интилишлар ижобат бўлишининг амалдаги ифодаси ҳамдир. Айрим калта ўйловчилар Элдорнинг ютуғини қанча маош олиши билан ўлчаётганлари ҳам бор гап. Аммо бу уларнинг қанчалар тор фикр юритаётганларидан далolat, холос. Шуниси қувонарлики, бугун бутун ўзбек халқи, айниқса, футбол мухлислари Элдор эришган натижани гўё ўз фарзанди, укаси, жигари эришганидек қабул қилмоқда. Биз ҳам ана шундай хурсандчиликларга қўшилиб, илоҳим омадингни берсин, ўзбек ўғлини, деб қоламиз.

Кўни кеча Италиянинг «Женоа» клуби ўзбекистонлик ҳужумчини чемпионат уйинлари учун рўйхатдан ўтказди. А Серия расмий сайти футболчимиз ҳақидаги маълумотларни клубнинг лига расмий сайтидаги профилига ҳам жойлаштирганини таъкидлаш жоиз. Энди Элдор Шомуродов А Серия 4-тури доирасидаги «Верона»га қарши баҳсда ўз дебютини ўтказиши мумкин. Ушбу учрашув 19 октябрь, душанба кўни бўлиб ўтади. Эслатиб ўтамиз, Шомуродов 7,5 миллион евро эвазига Россиянинг «Ростов»дан «Женоа»га ўтди.

Маълумот учун, Шомуродов Ўзбекистон – Эрон (1:2) уйинидан кейин Тошкентдан Италияга қайтиб кетди. Маълум бўлишича, Италия клуби футболчининг жамоага тезроқ мослашиши учун миллий жамоа ихтиёридан эртароқ келишини илтимос қилган.

ОМАД
СЕНГА
ЭЛДОР!

Туризм

ЎН БИР АҲМАД – ЗИЁРАТ ТУРИЗМИ МАРКАЗИГА АЙЛанади

Наманган вилояти ҳудудида олис ва яқин ўтмишдан садо берувчи 300 га яқин моддий маданий мерос объектлари мавжуд. Узоқ минг йилларга бориб тақалувчи тарихий обида ва зиёратгоҳларни асраб авайлаш, уларни келажак авлодларга асл ҳолида қолдириш муҳим вазифаларидан биридир.

Наманган шаҳри ҳудудидан оқиб ўтувчи Шимолий Фарғона каналининг чап соҳилида, «Афсоналар водийси» боғига ёндош сўлим гўшада жойлашган ўн бир Аҳмад зиёратгоҳи мажмуасида бугун кенг кўламли қурилиш ободонлаштириш ишлари олиб борилаётган. Канал устига меъморий ечими жиҳатидан Ўзбекистонда ўхшаши йўқ, хонақоҳ сизими 4,5 минг, умумий сизими 15 минг намозхонга мўлжалланган Жомеъ масжид ва зиёратгоҳни боғловчи замонавий кўприк барпо этилади.

Тарихий қадимжолар билан яқиндан танишган вилоят ҳоқими вазифини бажарувчи Шавкат Абдуразоқов қайд этганидек, муқаддас обидалар, хусусан ўн бир Аҳмад зиёратгоҳидаги ҳар бир ишга мукамаллик билан ёндошиш лозим. Бу маскан зиёрат туризми масканига айланиши, одамларни маънан ҳаловат топадиган жойи бўлиши керак. Юқоридан катта шаршара

қуралади, ундан тушган сув катта ариққа туташ ҳовлиларга чиқиб кетади. Уртада катта фаввора ҳам дизайн жиҳатидан ўзига хос бўлади.

Сардоба – Наманган шаҳар марказида жойлашган қадимий даҳа. Баъзи ривоятларга қараганда, шаҳар мана шун жойдаги маҳаллалардан бошланиб, кейинчалик кенгайиб кетган. Бу атрофда жуда кўп маданий-маиший бинолар, турар-жойлар қад ростлаган. Улардан бири XIX асрнинг иккинчи ярми, XX аср биринчи чорагида яшаб ўтган Қодирхўжа эшоннинг уйи ҳисобланади. У тарихий ва маданий ёдгорликлар рўйхатидан ўрин олган бўлиб, яқингача сайёҳлар эътиборидаги масканлардан бири эди.

Бинонинг қурилиш услуби шарқона, нақшлари европача. Ҳовлиси ички ва ташқи қисмлардан иборат бўлган. Хоналар шифти – ўрта ҳовузсимон қисми васса-жуфт, атрофлари катаксимон кўринишда. Катакчалар ичига бугдойзор, қарағайзор, ўрмон ва денгиз бўйида қурилган қаватли уй тасвирлари чизилган.

Таассуфки, ушбу маданий ёдгорлик бугунги кунда ташландиқ ҳолга келиб қолган. Бир пайлар анча маблағ эвазига таъмирдан чиқарилган бинолар ночор кўринишда. Тарихдан ҳикоя қилувчи экспонатлар қўйилган залларга кириб бўлмади –



эшиклар қулфланган. Боз устига, мазкур ҳовли ҳудудидан кимгадир икки қаватли дўкон ва омборхона қуриш учун ер ажратилган. Чала қолган бу объект ҳам манзилни янада хунқулаштирган. Бу ҳақида бундан икки йил ўзА сайтида ҳам бонг урилган эди.

Вилоят раҳбарининг эътиборидан кейингина, бундан 150 йил аввал Наманганга технологияни, илк фотоаппарат ва бошқа ашёларни олиб келган буюк маърифатпарвар, элпарвар олим Қодирхўжа Эшон ҳовлисини илм-фан, маънавият, туризм марказига айлантириш режалаштирилди.

Ушбу меъморий обида билан танишган вилоят ҳоқими

вазифасини бажарувчи Шавкат Абдуразоқов реконструкция учун лойиҳа таклифларига кўшимчалар киритди.

– Меъморий мажмуа тарихий, асл ҳолатини йўқотмаслиги керак. Таъмирлашда гипсокартон, профилдан умуман фойдаланилмаслиги лозим. Бу ерда музей, кутубхона, «вай-фай» зона ташкил этилади. Ёшлар учун сеvimли маскан бўлади, – деди вилоят ҳоқими.

Эътиборлиси шундаки, тарихий ҳовли ичига ва ёнига маданий мерос конвенцияларига зид равишда қурилган, зиёратгоҳ хуснига мос тушмаган икки бино бузиб ташланади.

Оқилхон ДАДАБОЕВ, ЎЗА

Халқаро анжуманга таклиф этими!

艺术交流缔亲情，携手抗疫树新风!

15 oktabr
15:00 da
Toshkent shahar,
Art Gallery
"Autograph"

O'ZBEKISTON HUNARMANDLARI VA XITOIY RASSOMLARI ISHTIROKIDA
"BIRMIZ! QALBAN BIRGAMIZ!" SHIORI OSTIDA
BIRINCHI ONLAYN KO'RGAZMA
O'ZBEKISTON "HUNARMAND" UYUSHMASINING XITOIYLIK HANKORI
MARYAM GAPURDAN
MUNOSIB TUNFA

"BIRMIZ! QALBAN BIRGAMIZ!"

Ўтганларнинг охирати обод бўлсин!



КЕТАЎТИРМАН

О, бу қандай шараф, кетаётирман,
Сендан сенга қараб кетаётирман.

Кўнглимни тоблади кундуз ва кеча,
Ой каби ярқираб кетаётирман.

Шарқираб сой каби оққаним ростдир,
Булоқдай шилдираб кетаётирман.

Билмайман, гуноҳим қанча, бир тараф,
Савобим бир тараф, кетаётирман.

Сен келсанг... йўлларим тезлашармиди,
Илнжим, йўл қараб кетаётирман.

Тилимда айланар бир сенинг номинг,
Боламдай эркалаб, кетаётирман.

Умр шомида тонг отмоқда, ажаб,
Воажаб, воажаб, кетаётирман.

Кўзим булоғининг очилди кўзи,
Ой нури жилдираб, кетаётирман.

Сўз деҳқони эдим, бир сўз айтгали,
Сўзбондан сўз сўраб, кетаётирман.

Келмоқ суруридан сўзламам энди,
О, бу қандай шараф, кетаётирман.

ВАТАНГА МАНСУБЛИК

Баногоҳ чўққидан қуласа бир тош
Тоғ пойига тушар, тоғни тарк этмас.
Эт билан тирноқдек бир жону бир тан
Ватандан яралган Ватандан кетмас.

Кўёшга интилган ҳавойи буглар
Баланд парвозларни қилса ҳам ҳавас
Бир кун қайтиб келар ўкириб-йўглаб,
Ватандан яралган Ватандан кетмас.

Шашмақом — минг йиллик наво муаттар,
Очсам кўкайимни янграр қадим сас.
Авлодлар тугилар, аждодлар ўтар,
Ватандан яралган Ватандан кетмас.

Улуглар юксалар ер остида ҳам,
Ҳақил бўлиб ўсар, эли унутмас.
Шаҳидлар боғидан қулаб ўтаман:
Ватандан яралган Ватандан кетмас.

Тошдан учган учкун ялт этиб ўчар,
Учган чўғ қайта ўз ҳолига келмас.
Чопонинг силқисанг гўбори кўчар,
Ватандан тўқилган Ватандан эмас!

ЭЙ, КЎНГИЛ

Нописанд босма хазон япроғини,
Бошинг узра эсла соя чоғини.
Танфи ҳукмига азал бир чора йўқ,
Бандаси билмас келиб-кетмоғини.

Истаса бергай шифо беморига,
Дард бериб солгай синовага соғини.
Умр ўтар дарё каби қалқиб-оқиб,
Айлагил тақдир насиб қиргоғини.

Раббано қодир ўзи, гофир ўзи,
Ҳар нафас тортиб турар қармоғини.
Боқ, кўёшни қон этиб ҳар рўзи шом
На учун кўз-кўз этар ўроғини?

Билмаса меъёрини офтоб ҳам
Қувератар боғи чаман ҳар ёғини.
Эй кўнгал, бу ҳодисот ибрат сенга,
Эл аро фасона эт келмоғини.

Олмоқ эрсанг, бир ғариб кўнглини ол,
Айро этсанг, айро эт дил доғини.
Саъди олпога етар қирмочи ҳам,
Ери жонга туҳфа қил қаймоғини.

Шон деса, йўл олди деб Тошкани айт,
Шаян деса, кўрсат Нурота тоғини!

Ўзбекистон «Миллий тикланиш» демократик партияси Марказий кенгаши ва «Миллий тикланиш» газетаси жамоаси Ўзбекистон Журналистлари ижодий уюшмаси раиси, Ўзбекистон Республикасида хизмат кўрсатган маданият ходими, таникли журналист ва шoir САЪДУЛЛА ҲАКИМОВНИНГ вафоти муносабати билан марҳумнинг оила аъзолари ва яқинларига ўз ҳамдардчилигини билдиради.

ЎЗБЕКISTON
«МИЛЛИЙ
ТИКЛАНИШ»
ДЕМОКРАТИК
ПАРТИЯСИНING
ИЖТИМОЙ-
СИЕСИЙ
ГАЗЕТАСИ

ЖАМОАТЧИЛИК КЕНГАШИ:

Алишер ҚОДИРОВ – кенгаш раиси,
Акмал САИДОВ, Абдулазиз АККУЛОВ, Абдор ПЎЛАТОВ,
Амриддин БЕРДИМУРОДОВ, Бахтиёр САЙФУЛЛАЕВ,
Илхом АБДУЛЛАЕВ, Минхожиддин МИРЗО,
Нодир МУХТОРОВ, Отабек ЖИЯНБОЕВ,
Озодбек НАЗАРБЕКОВ, Ортикали ҚОЗОҚОВ,
Феруза МУҲАМЕДЖАНОВА, Хуршид ДЎСТМУҲАММАД,
Шерзодхон ҚУДРАТХЎЖАЕВ, Шавкат ШАРИПОВ,
Шухратжон АХУНДЖАНОВ.

Бош муҳаррир:
Миродил АБДУРАҲМОНОВ

ТАХРИРИЯТ

МАНЗИЛИ:
Тошкент шаҳри,
Миробод тумани,
Буюк Турон кўчаси,
41-уй.
Газета тахририят
компьютер
марказида терилди
ва саҳифаланди.

Муаллифлар фикри
тахририят нуктага
назаридан фарқ
қилиши мумкин.

Тахририятга келган хатлар доимий
эътиборимизда бўлиб, улар
муаллифларига қайтарилмайди.

Навбатчи муҳаррир:
Равшан МАХМУДОВ
Навбатчи:
Мохира БАХТИЁРОВА
Дизайн:
Мазмуржон ҚУДРАТОВ

Электрон почта:
mtiklanish@bk.ru / mtiklanish@mail.ru

ТЕЛЕФОНЛАР:

Қабулхона (факс): (0-371) 232-12-03, +99897 741-20-22, +99897 755-10-11

Газета «SHARQ» нашриёти-матбаа акциядорлик компаниясида
чоп этилди.
Корхона манзили: «Буюк Турон» кўчаси, 41-уй

2008-йил 29 октябрда Ўзбекистон Matbuot ва ахборот
агентлиги томонидан № 0223 рақами билан рўйхатдан ўтган.
Газета ҳафтанинг чоршанба кўни чикади.

Адаби – 2927.
Газетанинг баҳоси келишилган нарҳда.
Қоғоз бичими: 350x587. Ҳажми: 4 босма табоқ
Буюртма – 1026
Босишга топшириш вақти 21.00.
Топширилди 4:30

ISSN 2010-7714

12345